

starogradski

OPĆINA STARI GRAD  
SARAJEVO



# haber

BESPLATAN PRIMJERAK  
● JUNI, 2024, broj 60.



Član predsjedništva  
BiH Željko Komšić na  
Svečanoj sjednici OV



Saradnja:  
Ministar Šteta i  
načelnik Čengić



Gradonačelnik  
Istanbula Imamoğlu i  
načelnik Čengić

# Započeti milionski projekti u Starom Gradu



- 2-9 Dani Općine Stari Grad Sarajevo
- 10-13 Planirani projekti
- 14-17 Infrastrukturni projekti
- 18-19 Intervju sa v.d. direktorom JKP „OSG“ d.o.o. Sarajevo, Damiirom Filipovićem
- 20-21 Općinsko vijeće Stari Grad Sarajevo
- 22-23 Intervju sa prof.dr. Devadom Šašićem
- 24-33 Protokol i saradnja
- 34-39 Obilježavanje značajnih godišnjica
- 40-41 Mjesne zajednice



## Impressum

- Izdavač:** Općina Stari Grad Sarajevo
- Pripremili:** Alma Imamović  
Jasenko Jašarević  
Nedim Šahović  
Mirna Pecikoza
- DTP:** Safet Mališević
- Fotografije:** Haris Karamehmedović
- Štampa:** Grafika Šaran d.o.o.
- Tiraž:** 3000
- Adresa:** Zelenih beretki br. 4  
71000 Sarajevo
- web:** [www.starigrad.ba](http://www.starigrad.ba)
- e-mail:** [info@starigrad.ba](mailto:info@starigrad.ba)
- Telefon:** +387 33 282 491



# Dani Općine Stari Grad Sarajevo 02-12. maja, 2024. godine

**Bogat desetodnevni program Dana Općine Stari Grad obilježava važnost historije i kulture kroz raznolike događaje, ojačavajući zajedništvo i sjećanje na prošlost**

**D**esetodnevni program koji je obuhvatio 24 različita društvena, kulturna, sportska, edukativna, obrazovna i zabavna događaja za građane, obilježio je 2. maj, Dan Općine Stari Grad. U čast ovog važnog datuma u historiji najstarije sarajevske Općine, sedam delegacija prijateljskih i pobratimskih općina doputovalo je u posjetu Starom Gradu, gdje su zajedno učestvovali u bogatom programu. Delegacije su se prisjetile ubijene djece Sarajeva polaganjem cvijeća kod Spo-

men obilježja ubijenoj djeci opkoljenog Sarajeva, prisustvovali svečanoj sjednici i posjetile razne događaje. Uz to, organizovana su dva velika koncerta - koncert Dženana Lončarevića na Trgu Prve brigade policije kod Vijećnice i nastup Mahir Beathouse-a u ulici Zelenih beretki.

Osim toga, po prvi put je izvedena vježba Civilne zaštite Općine Stari Grad na Darivi. Dan Općine Stari Grad obuhvatio je i posjetu mezaru Isakovića, turbetu Gazi-husrev bega te polaganje cvijeća na mezaru prvog predsjednika Predsjedništva RBiH Ali-



*Mezar Isa-bega Ishakovića*

je Izetbegovića i Šehidskom mezarju Kovači.

Aktivnosti su uključivale i proljetnu akciju čišćenja Starog Grada u saradnji sa Vladom Kantona Sarajevo, besplatan ulaz u muzeje, gastro događaj "Okusi Starog Grada", međunarodno Judo takmičenje "Kup Grada Sarajeva 2024", porodični dan, izložbe, predstave, koncerte, sportske događaje poput Sarajevo Marathona te druženje sa boračkim udruženjima. Sve ovo je učinilo Dane Općine Stari Grad nezaboravnim i raznolikim doživljajem za građane i posjetioce Starog Grada i Sarajeva.

## Posjetom mezarima obilježen Dan Općine

Načelnik Općine Stari Grad Sarajevo, Irfan Čengiđ, predvodio je delegaciju koja je povodom 2. maja, Dana Općine Stari Grad, posjetila mezar Isa-bega Ishakovića, turbe Gazi Husrev-bega i Šehidsko mezarje Kovači. Ova tradicionalna aktivnost obilježava se svake godine povodom Dana Općine Stari Grad.

Važnost 2. maja ilustrira činjenica da je to, osim Dana Općine Stari Grad, također Dan Općine Centar i Kantona Sarajevo. Tog datuma 1992. godine određivao se opstanak Sarajeva, ali i čitave BiH. Općina Stari Grad obilježava 2. maj kao

svoj dan od 2001. godine.

"Drugi maj je za mene dan kada smo odbranili grad, državu i slobodu. Danas i naredne dane želim da posvetimo kulturi sjećanja, ali i proslavi. Mi smo pobijedili, odbranili smo slobodu i to su za mene



*Odata počast i na Šehidskom mezarju Kovači*



Svečana sjednica održana u Gazi Husrev-begovoj biblioteci

dani ponosa i slave," istakao je načelnik Čengić.

## Svečana sjednica Općinskog vijeća Stari Grad

U Gazi Husrev-begovoj biblioteci održana je svečana sjednica Općinskog vijeća Stari Grad Sarajevo. Uz prisustvo uglednih zvanica, događaj je obilježen svečanim programom i dodjelom značajnih priznanja.

Predsjedavajući Općinskog vijeća Seid Škaljić istakao je na samom početku uvodnog obraćanja da ih očekuje niz zajedničkih projekata te da su u prethodnoj godini Općinsko vijeće i Općina Stari Grad bili suočeni s izazovima. "Naišli smo na brojne prepreke koje su prijetile blokadom rada, čak i u slučaju mnogih bitnih projekata koje smo željeli realizovati. Čak ni zakon nije prepoznao te okolnosti do tog trenutka. Međutim, zahvaljujući zajedničkom naporu svih vijećnica i vijećnika, odlučno smo krenuli u suočavanje s tim izazovima. Razgovaramo, međusobno se uvažavamo, saradujemo i pripremamo projekte", kazao je predsjedavajući Škaljić.

Načelnik Općine Stari Grad Sarajevo Irfan Čengić obratio se okupljenima s uvjerenjem da zajedno ulaze u novo razdoblje progresivnog razvoja i obnove.

### Vijekovima Stari Grad simbolizira centar BiH

Gospodin Željko Komšić, član Predsjedništva BiH, naglasio je važnost Općine Stari Grad u svom govoru, ističući njen historijski i simbolički značaj kao jedne od najistaknutijih općina u gradu. „Vijekovima je ovaj dio grada simbolizirao, na određen način, centar Bosne i Hercegovine. Tome svjedoči i ovaj prostor u kojem se održava manifestacija. Odnosno, prostor Gazi Husrev-begove zadužbine, koja opet sama po sebi vijekovima egzistira kao jedan od duhovnih i prosvjetiteljskih centara Sarajeva“.

Dodatno, istakao je važnost odgovornosti ljudi koji vode Općinu Stari Grad Sarajevo, vjerujući da su svjesni svojih uloga u stvaranju bolje budućnosti za građane i državu.

“To je posebno važno kada se zna da živimo u vremenu u kojem nema prostora za ponavljanjem nečijih grešaka i kada se od nositelja vlasti očekuje da ponude građanima i državi nešto novo i bolje. U tom smislu ohrabruju projekti koje realizuje Općina Stari Grad Sarajevo u cilju poboljšanja sveukupnog statusa i ugleda općine, te se nadam da će ta pozitivna energija nastaviti oblikovati budućnost”, naglasio je gospodin Komšić.



Čengić i Komšić



Vijećnici Općinskog vijeća Stari Grad

“Ovo je više od borbe za osvajanje novog mandata. Ovo je borba za budućnost naše Općine. Pokazali smo hrabrost i odlučnost da uplovimo u novo poglavlje, s jasno definisanom strategijom i projektima vrijednim preko 60 miliona KM. Stablnost i kontinuitet ključni su za uspjeh ove nove ere naše zajednice, jer su nas turbulencije u prošlosti usporavale. Ne smijemo dopustiti da nas nove turbulencije zaustave”, istakao je načelnik Čengić.



## Dodijeljena priznanja pojedincima i institucijama za doprinos

Na svečanoj sjednici dodijeljena su važna priznanja pojedincima i institucijama za njihov izuzetan doprinos zajednici. Općinsku povelju sa zlatnim štitom za požrtvovano djelovanje na pronosjenju istine o suštini agresije na RBiH dobio je Avdo Huseinović. Povelju sa zlatnim štitom za izuzetan doprinos u organizovanju i izvođenju odbrane na području općine, te otklanjanju opasnosti od ratnih razaranja njenog područja dobilo je Udruženje boraca „Crni labudovi“, a povelju je preuzeo predsjednik Udruženja Avdo Subašić. Povelju sa grbom Općine Stari Grad za izuzetan doprinos u očuvanju i njegovanju prirodnog i kulturno-historijskog naslijeđa dobila je Gazi Husrevbegova biblioteka u Sarajevu, a povelju je preuzeo direktor Dženan Handžić. Zlatni sebilj za doprinos u razvoju i afirmaciji Općine, razvoju međunarodnih i međuljudskih odnosa na načelima solidarnosti, demokratičnosti, humanosti i tolerancije među ljudima, ove godine dobio je prof. dr. Ismet Gavrankapetanović.

Kolektivno priznanje - Zlatni sebilj pri-



*Dobitnici priznanja i povelja*

palo je Bošnjačkom institutu - Fondacija Adila Zulfikarpašića, a priznanje je preuzeo predsjednik Upravnog odbora Fehim Škaljić. Priznanje „Policajac godine“ za izuzetan doprinos i

postignute rezultate u zalaganju za ostvarivanje što povoljnije bezbjedonosne situacije na području općine Stari Grad Sarajevo dobila je Merima Čelik.

## Postrojavanje struktura zaštite i spašavanja Općine Stari Grad Sarajevo

Postrojavanje struktura zaštite i spašavanja Službe civilne zaštite Općine Stari Grad Sarajevo bio je dio programa svečanog obilježavanja 2. maja, Dana Općine Stari Grad.

Pored uposlenika Službe civilne zaštite Općine Stari Grad, u postrojavanju učestvovali su i Gorska služba spašavanja Trebević, Dobrovoljno vatrogasno društvo 'Vratnik', Dom zdravlja Stari Grad Sarajevo i Crveni krst Općine Stari Grad. Zahvaljujući ovim službama, Općina Stari Grad spremno može dočekati eventualne nepogode, prirodne nesreće, kao i sve ostale nepredviđene situacije i izazove.

"Ulažemo u civilnu zaštitu više nego ikada do sada, prvi put održavamo vježbe, edukacije i sistemsko, namjensko i zakonito opremanje struktura Civilne zaštite Općine Stari Grad", istakao je načelnik Irfan Čengić.

Pokazna vježba je organizovana sa ciljem pripremanja, vježbanja i preventivnog djelovanja Službe civilne zaštite i službi zaštite i spašavanja Općine Stari Grad. Vježbu su izveli pripadnici Dobrovoljnog vatrogasnog društva Vratnik, Gorske službe spašavanja Trebević i pripadnici Zavoda za hitnu medicinsku pomoć Kantona Sarajevo.



*Načelnik Čengić i direktor Brkanić*



*Vježba Civilne zaštite*



*Gorska služba spašavanja Trebević*



## Dženan Lončarević očarao publiku na koncertu održanom na Trgu Prve brigade policije

Na Trgu Prve brigade policije održan je koncert koji je privukao mnogo pozornosti. Dženan Lončarević, poznati muzičar, izveo je nevjerovatan nastup koji je obilježio proslavu Dana Općine Stari Grad Sarajevo. Ovaj muzički događaj, koji je održan pod otvorenim nebom, nije samo bio prilika za uživanje u melodijama već je predstavljao važan kulturni i društveni element proslave Dana Općine. Načelnik Općine Stari Grad, gospodin Irfan Čengiđ, istakao je koliko su manifestacije poput ove važne za bogatstvo i raznolikost života u Starom Gradu. Ovaj koncert još jednom je potvrdio da je Stari Grad Sarajevo nezaobilazna destinacija za kulturne i zabavne događaje, pružajući priliku građanima i posjetiteljima da uživaju u bogatstvu njegove tradicije i šarma. Ulaz na koncert bio je slobodan, te je omogućio svima da se pridruže u ovom muzičkom slavlju i stvore uspomene.

## Mahir Beathouse održao spektakularan nastup pred punom ulicom Zelenih beretki

U sklopu obilježavanja Dana Općine Stari Grad, ulice Starog Grada su zasjale energijom i muzičkim entuzijazmom. Ova svečana manifestacija obilježena je spektakularnim nastupom Mahir Beathouse-a, koji je svojom muzikom osvojio srca brojnih posjetitelja. U čast Dana Općine, Mahir Beathouse je održao nastup pred punom ulicom Zelenih beretki. Njegova muzika je odjekivala ulicama Starog Grada, stvarajući atmosferu koja je nadmašila očekivanja, ističući bogatstvo kulturne scene ovog historijskog dijela Sarajeva.



*Koncert održan povodom Dana Općine*



*Dženan Lončarević*



*Prepun Trg Prve brigade policije*



*Mahir Beathouse*



## Izložba “Sarajevska baština” u Brusa bezistanu

Dani Općine Stari Grad obilježeni su i izložbom u Brusa bezistanu pod nazivom “Sarajevska baština”. Delegacije općina Osmangazi Bursa i Karsiyaka Izmir prisustvovali su izložbi na poziv načelnika

Irfana Čengića i predsjedavajućeg Općinskog vijeća Seida Škaljića.

V.d. direktorica Muzeja Sarajevo, Indira Kučuk Sorguč, predstavila je posjetiteljima bogatstvo i značaj sarajevske baštine kroz izložbu, pružajući dublji uvid u kulturno naslijeđe grada. Ova izložba koristila je u promociji bogate kulturne baštine Sarajeva, ali i za jačanje veza između općina, kroz kulturnu razmjenu i saradnju među gradovima.



Načelnik Čengić otvorio izložbu

## Izložba “Početak poslije kraja”

U sklopu obilježavanja Dana Općine Stari Grad Sarajevo, načelnik Irfan Čengić svečano je otvorio izložbu akademskog slikara Zekerijaha Nalića pod nazivom “Početak poslije kraja”. Izložba je održana u prostorijama harema Bašçaršijske džamije te je privukla brojne ljubitelje umjetnosti i poštovaoce kulturnog naslijeđa. Nalićeva izložba, koja nosi naziv “Početak poslije kraja”, predstavlja njegovu interpretaciju raznih aspekata života i kulture,

posebno inspirisane bašçaršijskom atmosferom. Kroz svoje umjetničko izražavanje, Nalić istražuje teme kao što su identitet, historija i duhovnost, stvarajući tako prostor za dublje promišljanje među posjetiteljima. Na svečanom otvaranju, načelnik Čengić istakao je važnost ovakvih kulturnih događaja za lokalnu zajednicu te je pohvalio umjetnički doprinos Zekerijaha Nalića.

Izložba “Početak poslije kraja” bila je otvorena za javnost, pružajući posjetiteljima priliku za daljnje istraživanje i uživanje u umjetničkom stvaralaštvu Zekerijaha Nalića.



Zekerijah Nalić i načelnik Čengić

## U Gazi Husrev- begovom hanikahu izložba rukotvorina



U Gazi Husrev-begovom hanikahu otvorena je izložba rukotvorina, a koje su djelo članica Kulturno-edukacionog centra Lalek Konya-Sarajevo.

Izložba je dugi niz godina sastavni dio programa svečanog obilježavanja Dana Općine Stari Grad, a čast da otvori ovu izložbu pripala je općinskom načelniku Irfanu Čengiću. Radi se o izložbi rukotvorina izrađenih u različitim tehnikama veza, slikanja na svili, drvetu, foliji, kaligrafskim radovima, bižuteriji i drugom. Unikatan proizvod koji su izloženi nastajali su u radionicama ovog kulturno-edukacionog centra, u kojima se polaznice obučavaju različitim umjetničkim tehnikama izrade ukrasnih predmeta i modnih detalja. Kulturno-edukacioni centar Lalek Konya-Sarajevo od 2007. godine funkcionira zahvaljujući podršci pobratimske Općine Selçuklu Konya.

Otvorenju su pored načelnika Čengića, prisustvovali i predsjedavajući Općinskog vijeća Stari Grad Sarajevo, Seid Škaljić, gradski i općinski vijećnik, Muamer Mekić, direktor Yunus Emre instituta, Mehmet Akif Yaman, te članovi vijeća Općine Selçuklu Konya, Mehmet Orhan, Harun Parlak, Firat Rutkay Ozturk i menadžer za spoljne poslove Muhammed Said Yagurt.





## Koncerti kulturno-umjetničkih društava na Baščaršijskom trgu



Svečano je otvorena manifestacija Art kuće sevdaha pod pokroviteljstvom Općine Stari Grad Sarajevo, kao dio programa Dana Općine. Načelnik Čengić je svojim pozdravnim govorom otvorio ovu manifestaciju. Program manifestacije uključivao je nastupe renomiranih kulturno-umjetničkih društava, među kojima su: KUD Željezničar Sarajevo s koncertom sevdaha, Udruženje La Benevolencija sa sefardskim pjesmama, KUD Stijena-Cazin s nastupom, a ovaj događaj završen je velikim koncertom sevdaha.

## Predstava "Bio je lijep i sunčan dan"



U Sarajevskom ratnom teatru odigrana je predstava "Bio je lijep i sunčan dan". Karte za ovu emotivnu i snažnu predstavu bile su poklon Općine Stari Grad gledaocima, što je bila gesta podrške kulturi sjećanja. Predstava "Bio je lijep i sunčan dan" temelji se na autentičnim sjećanjima Sarajki i Sarajlija na 2. maj 1992. godine, jedan od ključnih dana tokom opsade Sarajeva. Kroz mozaik različitih perspektiva i iskustava, predstava prenosi emocije i duboku simboliku tog sudbonosnog dana koji je zauvijek promijenio živote mnogih. Ova predstava podsjeća na važne događaje iz nedavne prošlosti, ali i ističe snagu ljudskog duha i otpornost zajednice u teškim vremenima.

## Dramska predstava "Leptir"

U Domu kulture Vratnik izvedena je dramska predstava Aleksandra Radunovića "Leptir" u režiji Emira Z. Kapetanović u okviru specijalnog programa Narodnog pozorišta Sarajevo. Izvođenju predstave prisustvovao je i Općinski načelnik Irfan Čengić koji je pozdravio okupljene građane. Predstava je izvedena u okviru Dana Općine Stari Grad, u saradnji sa Ministarstvom kulture i sporta Kantona Sarajevo. U predstavi su igrali: Aleksandar Seksan, Sanela Pepljak i Ermin Sijamija.



Dom kulture Vratnik

## Održan 6. Judo kup Grada Sarajeva

U okviru programa svečanog obilježavanja 02. maja, Dana Općine Stari Grad, Općinski načelnik Irfan Čengić otvorio je 6. Judo kup Grada Sarajeva, kojeg je organizovao uspješni Judo klub "Braća Lukač" iz Starog Grada. Turnir se održao u Sportskoj dvorani "Goran Čengić", a na njemu su nastupali džudisti iz BiH i zemalja regiona. Na svečanom otvorenju načelniku Čengiću i općinskom vijećniku Vedadu Deljkoviću dodijeljena je zahvalnica za doprinos u radu.

„Ovaj sportski kolektiv postoji već 18 godina, a evo 6. put organizuje ovako značajno takmičenje na kojem okupi najbolje džudiste iz zemlje i regiona, što mu daje na vrijednosti i značaju. Posebno mi je drago što je ovogodišnji Judo kup Grada Sarajeva upriličen za vrijeme obilježavanja Dana Općine Stari Grad. Čestitam rukovodstvu kluba, braći Elviru, Eldinu i Aldinu Lukaču, a takmičarima želim mnogo sreće i uspjeha“, poručio je načelnik Čengić.



Načelnik Čengić otvorio 6. Judo kup



Izložba oldtimera

## Izložba oldtimera u Starom Gradu

Oldtimer klub Sarajevo i ove godine je organizovao susrete starih automobila, odnosno oldtimera. Oldtimer klub Sarajevo je osnovan 17. marta 2004. godine i od tada uspješno okuplja limene četverotočkaše u glavnom gradu Bosne i Hercegovine.

Susreti u bh. prijestolnici postali su tradicija za mnoge timove i goste koji se

uvijek rado vraćaju u ovaj grad. Ove godine, izložba se organizovala pod pokroviteljstvom Općine Stari Grad Sarajevo, na lokaciji Trg Prve brigade policije, gdje je načelnik Irfan Čengić pozdravio okupljene i poželio im dobrodošlicu u Stari Grad. Manifestacija je bila dio programa Dana Općine Stari Grad. Dvodnevna manifestacija okupila je vlasnike starih i oldtimer automobila iz nekoliko država regije i šire, na ugodno druženje, zabavne vožnje, ali i izložbu automobila. Ljubitelji automobila mogli su pogledati, fotografisati i uživati u raznolikosti učesnika izložbe.





## Održan Gastro događaj “Okusi Starog Grada” ispred Katedrale



*Događaj namjenjen građanima*

Pred Katedralom održan je Gastro događaj “Okusi Starog Grada”, koji je obogatio obilježavanje Dana Općine uz podršku Turističke zajednice Kantona Sarajevo. Ova manifestacija okupila je lokalne privrednike Starog Grada, uključujući poznata imena poput Mrvica Cafe&Bakery, Pekare “Poričanin” te Amko komerca, koji su predstavili svoje proizvode i ponudili okuse i specijalitete na posebnom štandu.

Četvorosatno druženje ispred sarajevske katedrale proteklo je u ugodnoj atmosferi uz muziku i dobro raspoloženje. Stotine porcija hrane, kafe, slatkiša i cvijeća poklonjeno je građanima i turistima, čineći ovaj događaj ne samo gastro iskustvom već i pravim užitkom za sve prisutne.

## Održan „5. Sarajevo marathon“



*Učestvovalo 2.200 takmičara*

U okviru svečanog obilježavanja 2. maja, Dana Općine Stari Grad, u program je uvrštena najmasovnija sportska i trkačka manifestacija u BiH „Sarajevo marathon“, koju organizuje Udruženje „Dečki u plavom“. Startna pozicija za više od 2.200 takmičara i 44 države svijeta bila je Trg Prve brigade policije, a početak utrke označio je Općinski načelnik Irfan Čengić.

Osim maratona na 42 km i polumaratonске trke na 21 km, učesnici su trčali utrkou Alkaloid 5K Run, a za najmlađe je organizovana i BASH Kids Run. Staza Sarajevskog maratona spada među rijetke koje spajaju dva grada, Sarajevo i Istočno Sarajevo. Trenutni rekord staze je 2 sata 20 minuta i 54 sekundi, a postavio ga je Laban Cheruiyot, atletičar iz Kenije.

## Porodični dan u parku Dariva oduševio posjetitelje



Općina Stari Grad Sarajevo, u saradnji s Udruženjem Generacija, organizovala je događaj povodom 2. maja, Dana Općine Stari Grad - Porodični dan u parku Dariva, koji je oduševio veliki broj posjetitelja, posebno djece. Događaju je prisustvovao načelnik Općine Irfan Čengić. Uz program Mravko-Travko, djeca su oslikavala lica u različitim bojama i oblicima, te modelirala balone. Kutak za djecu bio je prostor za kreativne aktivnosti, gdje su mališani crtali i slagali puzzle s motivima Općine Stari Grad, dok su istovremeno uživali u društvenim igrama. Maskote su bile velika atrakcija, a zdravstveni paketići Lacalut su naišli na veliko oduševljenje među roditeljima, dok su se djeca veselila sadržaju poklona. Terapijske vježbe su privukle brojne roditelje i osobe treće dobi koje su učestvovalе u aktivnostima usmjerenima na očuvanje zdravlja.

## Druženje i dodjela pomoći boračkoj populaciji



Na Dan Općine Stari Grad, organizovano je i druženje s porodicama šehida i poginulih boraca, ratnim vojnim invalidima te demobilisanim borcima u velikoj sali Fonda memorijala Kantona Sarajevo. Načelnik Irfan Čengić i predsjedavajući Seid Škaljić tom su prilikom dodijelili jednokratne novčane pomoći u iznosu od 100 KM. Ove jednokratne pomoći podijeljene su za 100 porodica šehida i poginulih boraca, 70 ratnih vojnih invalida te 30 demobilisanih boraca, pružajući im dodatnu podršku za svakodnevni život.

## Odata počast ubijenoj djeci iz opkoljenog Sarajeva

Delegacija Općine Stari Grad Sarajevo, predvođena načelnikom Irfanom Čengićem i predsjedavajućim Općinskog vijeća Stari Grad Seidom Škaljićem, položila je cvijeće i odala je počast na spomen-obilježju posvećenom ubijenoj djeci iz opkoljenog Sarajeva u periodu od 1992. do 1995. godine. Ovom događaju prisustvovale su i delegacije iz općina Osmangazi Bursa, Karşıyaka Izmir, Makarska, Bar, Peć i Olovo, koji su bili gosti Općine Stari Grad Sarajevo povodom 2. maja, Dana Općine.



*Spomen obilježje ubijenoj djeci*

## Planirani projekti



# Ključni projekti Općine Stari Grad Sarajevo za unapređenje budućnosti

**Predstavljamo vam ključne projekte za budućnost Općine Stari Grad Sarajevo ● Ovi projekti predstavljaju temelj za budući prosperitet općine, ističući njenu ulogu kao kulturnog, obrazovnog i ekonomskog epicentra Sarajeva.**

**U**saradnji s Vladom Federacije BiH, Vladom Kantona Sarajevo i Gradom Sarajevom, Općina Stari Grad predstavlja niz zajedničkih projekata koji će značajno unaprijediti infrastrukturu i kvalitetu života u našoj zajednici. Ovi projekti su rezultat predanog rada i saradnje više nivoa vlasti kako bi se osiguralo održivo i prosperitetno okruženje za sve građane.

## Dom Oružanih snaga

Načelnik Općine, Irfan Čengić, razgovarao je s ministrom Zukanom Helezom o saradnji na projektu obnove Doma Oružanih snaga BiH i uređenju trga ispred objekta. Izrađen je predmjer i predračun radova za obnovu Doma Oružanih Snaga, ukupne vrijednosti 1.200.000 KM.

Planira se pretvaranje parkinga u trg s fontanom te obnova fasade. Ovaj projekat podržali su premijer Nihad Uk i Vlada Kantona Sarajevo. Osim

## Sanacija i izgradnja potpornih konstrukcija



### *U padinskim naseljima potporni zidovi su neophodni*

U ovoj godini planirana je sanacija i izgradnja potpornih konstrukcija u različitim dijelovima Starog Grada i to: Sanacija zida u ulici Braće Morić broj 11, dužine 15 metara; Sanacija zida u ulici Garaplina broj 5, dužine 25 metara; Sanacija zida u ulici Paje broj 52, dužine 10 metara; Sanacija zida u ulici Sulejmana Zolja broj 13, dužine 25 metara;

Izgradnja zida u ulici Alije Nametka broj 34-36, dužine 25 metara; Izgradnja zida u ulici Ramića banja (raskrsnica ulica Sedrenik i Ramića banja), dužine 15 metara; Izgradnja zida Mustaj bega Ličkog, dužine 15 metara; Sanacija zida Prvi bataljon Sedrenik kod broja 110, dužine 60 metara; Sanacija zida u ulici Rogina kod broja 34, dužine 15 metara.

toga, planirana je obnova drugih vojnih objekata na području općine,

uključujući kasarne Jajce, Faletići, Zmajevac i lokalitet Pašino brdo.

## Lokalitet Pašino brdo

Planirana je izgradnja strelišta i sportskog terena na lokalitetu Pašino brdo. Ovaj ambiciozni projekat predstavlja važan korak prema stvaranju modernog sportskog kompleksa koji će služiti kao centar za sportske aktivnosti i rekreaciju za naše građane.

Pokrenute su inicijative prema Vladi Federacije Bosne i Hercegovine radi izmjene Ugovora o korištenju predmetnog lokaliteta, što će osigurati potrebne resurse za realizaciju projekta.

Stručni tim je izradio ažurnu geodetsku situaciju lokaliteta Pašino brdo, pružajući precizan pregled terena i temelj za dalje planiranje.

## OŠ „Šejh Muhamed ef. Hadžijamaković“

U sklopu Akcionog plana “Zeleni gradovi” koji provodi EBRD, planirano je unapređenje Javne ustanove Osnovna škola “Šejh Muhamed ef. Hadžijamaković”. Ovaj projekt obuhvata toplinsku izolaciju vanjske fasade te zamjenu svih otvora na objektu kako

bi se poboljšala energetska efikasnost i doprinijelo stvaranju ekološki osviještenog okruženja.

## JU Srednja škola poljoprivrede, prehrane, veterine i uslužnih djelatnosti

Planira se zamjena vanjske stolarije i obnova fasade, što će znatno unaprijediti izgled i funkcionalnost školskog prostora. Trenutno je u fazi raspisivanje tendera, što će omogućiti odabir najboljeg izvođača radova. Ova planirana inicijativa rezultat je pažljive pripreme i predanosti poboljšanju uslova za učenje i radno okruženje u školi. Investicija je vrijedna oko 2 miliona KM.

## Obnova dječijeg igrališta Medrese

Na lokaciji budućeg dječijeg igrališta potpisan je Ugovor o izvođenju radova sanacije dječijeg igrališta u sklopu mjesne zajednice Medrese. “Drago mi je da ćemo ispuniti obećanje i ovo ljeto ot-

voriti dječije i sportsko igralište u mjesnoj zajednici Medrese. Ovaj projekat je od velike važnosti za ovu mjesnu zajednicu što su građani naglašavali na zborovima građana”, istakao je načelnik Čengić. Nakon inicijative gradskog vijećnika Vedada Deljkovića, Grad Sarajevo i Općina Stari Grad su zajednički krenuli u realizaciju ovog projekta. Gradska uprava na čelu sa gradonačelnicom Benjaminom Karić provela je tendersku proceduru i odabrala izvođača radova, koji će radove izvršiti u naredna dva mjeseca. Grad Sarajevo sufinansira projekat sa sredstvima u iznosu od 115.000 KM, dok će Općina izdvojiti 35.000 KM za potrebe realizacije ovog projekta

## Ulice Zelenih beretki i Brodac

Općina Stari Grad Sarajevo će dobiti značajna sredstva za obnovu fasada i unapređenje energetske efikasnosti. Projekti pod vodstvom Grada Sarajeva, uz podršku Kantona Sarajevo i Općine Stari Grad, imaju za cilj revitalizaciju nekoliko objekata, doprinoseći tako kolorističkoj obnovi fasada i energetske efikasnosti. Projekti obuhvataju uređenje fasada na



*Sa potpisivanja ugovora za obnovu igrališta Medrese*



*Igralište Medrese*



*JU Srednja škola poljoprivrede, prehrane, veterine i uslužnih djelatnosti*



*Ulica Zelene beretke*

## Planirani projekti

dvije ključne lokacije: ulici Zelenih beretki i ulici Brodac, čija ukupna vrijednost radova iznosi oko 1.000.000 KM. Općinski načelnik Čengić naglašava da se sredstva za ove projekte osiguravaju u skladu s budžetskim mogućnostima, s posebnim fokusom na očuvanje historijskog urbanih krajolika, nacionalnih spomenika i javnih objekata. Dosadašnji uspjesi projekta već su vidljivi kroz rekonstrukciju fasade zgrade Beledije, čija je vrijednost iznosila oko 500.000 KM.

## Borije

Načelnik Općine Stari Grad Sarajevo, Irfan Čengić, i načelnik Opštine Istočni Stari Grad, Bojo Gašanović, potpisali su Sporazum o zajedničkoj infrastrukturnoj investiciji. Ovaj dokument označava nastavak izgradnje vodovodnog sistema Hreša, dionica Grad-Borije, te rekonstrukciju javne rasvjete na području Emerovice-Zečija glava. Naglašeno je kako se radi o projektu o kojem se priča decenijama, a tek sada su stvoreni uslovi za njegovu realizaciju.

Ovim je okončano zajedničko ulaganje u izgradnju vodovodne mreže do Borija, odnosno do linije spajanja dvije općine. Ova faza projekta koštat će 190.000 KM

## Šedrenik – Barice – Čavljak

Općina Stari Grad Sarajevo planira još jedan veoma važan kapitalni projekat ove godine - rekonstrukciju lokalne ceste Sedrenik – Barice – Čavljak. Projekat obuhvata dio ceste od raskrsnice na Sedreniku do parkirališta na Baricama, s ukupnom dužinom dionice od 3.500 metara. Ova cesta, osim što povezuje ove lokalitete, ima i širi značaj, budući da su Barice poznato izletišta nadomak grada, posjećeno kako od strane lokalnog stanovništva tako i turista. Na nedavnom zboru građana, rekonstrukcija ove ceste izdvojena je kao prioritetna tema. Očekuje se da će sanacija ove saobraćajnice poboljšati ne samo kvalitetu života stanovnika ovih područja već i sigurnost, što je posebno važno s obzirom na povećan turistički promet prema Baricama. Barice, kao omiljeno izletišta, privući će još veći broj posjetitelja uz kvalitetniju saobraćajnicu




*Sporazum o zajedničkoj investiciji izgradnje vodovodnog sistema Hreša*

## Sanacija stepništa i kaldrmi

Kako bi se zadržao prepoznatljiv izgled ulica i mahala u najstarijoj gradskoj općini, nastavlja se rad na obnovi kaldrma. Sanacijom brojnih kaldrma u Starom Gradu, Općina obogaćuje izgled svojih ulica i vraća im nekadašnji duh.

Planirana je sanacija kaldrmi u sljedećim ulicama: Sanacija stepeništa u ulici Krka broj 1-5, dužine 60 metara (MZ Toka – Džeka); Sanacija stepeništa Džeka kod broja 17, dužine 20 metara (MZ Toka – Džeka); Sanacija kaldrmisanog stepeništa u ulici Tabijska kod broja 1, dužine 30 metara (MZ Vratnik); Sanacija kaldrmisanog stepeništa u ulici Brusulje kod broja 2 (MZ Mošćanica)



*Poboljšanje pješačkih zona*



*Dionica Sedrenik – Barice – Čavljak*

## Turbe potok

Načelnik Općine Stari Grad, Irfan Čengić, zajedno s ministrom privrede Kantona Sarajevo, Zlatkom Mijatovićem, te direktoricom Zavoda za izgradnju KS, Bel-



*Sa potpisivanja ugovora - Turbe potok*

mom Barlov, potpisao je Sporazum o sufinansiranju projekta rekonstrukcije zacjevljenog dijela Turbe potoka, udružujući svoje napore za unaprjeđenje infrastrukture. Radi se o projektu rekonstrukcije zacjevljenog dijela Turbe potoka sa sanacijom prolaza ispod magistralne ceste M-5 u dvije faze.

U prvoj fazi planirano je uređenje prolaza ispod magistralne ceste sa uređenjem ulazne i izlazne građevine, dok je u drugoj fazi planirana rekonstrukcija zacijevljenog potoka od magistralne ceste do Bistričkog potoka u dužini od 420 metara. Ministarstvo privrede se ovim Sporazumom obavezalo da će sufinansirati projekt prve faze u iznosu do 150.000 KM i druge faze u iznosu do 400.000 KM. Općina će preostala novčana sredstva potrebna za realizaciju projekta osigurati iz vlastitih sredstava. U toku je izrada projektnog zadatka u svrhu pripreme projektno-tehničke dokumentacije za navedeni projekat. Stručni nadzor nad realizacijom projekta vršit će Zavod za izgradnju Kantona Sarajevo.

## Uređenje kasarne “Mustafa Hajrulahović Talijan”

Općina Stari Grad Sarajevo u saradnji sa Ministarstvom za boračka pitanja Kantona Sarajevo predano radi na transformaciji lokacije kasarne “Mustafa Hajrulahović Talijan” u inspirativan prostor. Planirano je obnoviti kulturno naslijeđe kroz sanaciju kule i uspostavu Muzeja Armije Republike BiH.

Vlada Federacije Bosne i Hercegovine dala je saglasnost za tekuće održavanje i vanjsko uređenje, s naglaskom na uspostavu šetnica i sportskih terena. U toku je izrada Idejnog projekta i kao i procedure osiguravanja potrebnih odobrenja. Važno je istaknuti da je Općina Stari Grad aktivno učestvovala u čišćenju predmetne

lokacije tokom Proljetne akcije čišćenja Ministarstva komunalne privrede, infrastrukture, prostornog uređenja, građenja i zaštite okoliša Kantona Sarajevo. Ova saradnja predstavlja temelj za daljnji razvoj projekta i očuvanje okoliša.



Sa akcije čišćenja lokacije



Idejni projekat

## Obnova dijelova ulica: Predstojeći komunalni projekti

U nastojanju da Općina Stari Grad Sarajevo održi lokalne saobraćajnice sigurne i funkcionalne, predstavljamo komunalne projekte obnove dijelova ulica čija će realizacija uskoro započeti. Ovi projekti imaju ključnu ulogu u unapređenju infrastrukture u lokalnoj zajednici i poboljšanju kvaliteta života naših građana.

### Planirana je sanacija sljedećih ulica:

- Rekonstrukcija ulice Bistrik od Trga Austrije do tranzita (MZ Bistrik)
- Sanacija dijela ulice Balibegovica čikma (MZ Bistrik)
- Sanacija dijela ulice Poddžebhana dužine 144 metra (MZ Vratnik)
- Sanacija dijela ulice Tale Ličanina do broja 12, dužine 50 metara (MZ Širokača)
- Sanacija Magoda broj 3 (MZ Babićabašča)
- Glavne ulice uz tramvajske šine - potez od Drvenije do tržnice



Bistrik



Ulice uz tramvajske šine



Balibegovica čikma



Magoda



Tale Ličanina

## Projekti

# Aktuelni projekti u Općini Stari Grad Sarajevo

**Unapređenje životnog standarda kroz komunalne projekte; Općina Stari Grad Sarajevo usmjerava napore ka gradnji bolje budućnosti**

Općina Stari Grad Sarajevo nastavlja svoju predanost unapređenju infrastrukture i komunalnih usluga kako bi osigurala bolji životni standard za svoje građane. Kroz saradnju s relevantnim institucijama i pažljivo planiranje, ovi projekti postaju stvarnost, pružajući konkretne koristi i unapređujući kvalitet života u Starom Gradu.

## Potpisan ugovor, počinju radovi na izgradnji "Muzeja Berber" vrijedni 1.5 miliona KM

Načelnik Općine Stari Grad Sarajevo, Irfan Čengić, zajedno s direktorom firme Džekos d.o.o. Sarajevo, Rifatom Mahmutovićem, potpisao je Okvirni sporazum o izvođenju radova na izgradnji poslovnog objekta "Muzej Berber" u iznosu od 1.485.405,87 KM.

"Izgradnja Muzeja Berber je od velike važnosti za kulturnu scenu, ne samo Općine Stari Grad Sarajevo nego cijelog Sarajeva i Bosne i Hercegovine. O ovom projektu se mnogo pričalo, ali današnjim potpisivanjem započinjemo konkretne radove. Zahvalan sam ministru Magodi koji je prepoznao značaj ovog projekta, te se nadam i vjerujem da ćemo uskoro dobiti podršku i Grada Sarajeva i Vlade FBiH prema kojima smo aplicirali sa ovim projektom", naglasio je načelnik Čengić.

Potpisivanju ugovora prisustvovao je ministar kulture i sporta Kantona Sarajevo, Kenan Magoda, predstavnici Fondacije i članovi porodice Berber, Ensar i Ida Berber, direktorica Zavoda za zaštitu KS Belma Barloy, predsjedavajući Općinskog vijeća Seid Škaljić, te vijećnici Općinskog vijeća Stari Grad.

Ministar Magoda govorio je o značaju



*Sa potpisivanja ugovora: Ministar Magoda i načelnik Čengić*



*Zajednička podrška projektu*

projekta za općinu Stari Grad. "Obećali smo da ćemo Općinu Stari Grad vratiti tamo gdje pripada, a to je u centar kulturno-historijskih i zabavnih dešavanja. Sretan sam jer je i Ministarstvo kulture i sporta Kantona Sarajevo zajedno s Općinom Stari Grad i načelnikom Irfanom Čengićem strateški partner u



*"Muzej Berber"*

ovom značajnom projektu", naglasio je ministar i dodao kako je Ministarstvo u prošloj godini izdvojilo 300.000 KM za ovaj projekat, a u 2024. godini je obezbjeđeno 600.000 KM.

Izgradnjom ovog muzeja, umjetnička ostavština Mersada Berbera napokon će pronaći svoje trajno sjedište u srcu

## Uređenje Čolinog i Ramića potoka

Općina Stari Grad Sarajevo aktivno radi na uređenju Čolinog i Ramića potoka putem Službe za investicije i komunalne poslove. Cilj ovih aktivnosti je osigurati normalan protok vode i smanjiti rizik od poplava u ovim područjima. U sklopu ovog projekta, uklanja se otpad, šibljice i mulj iz korita potoka. Važno je istaknuti da Općina djeluje preventivno, čisteći potoke tokom cijele godine kako bi se spriječilo nakupljanje otpada koje bi moglo uzrokovati začepljenje i poplave

tokom obilnijih padavina. Ovakav pristup održavanju omogućava kontinuiranu sigurnost i funkcionalnost Čolinog i Ramića potoka. Ukupna vrijednost radova za ove projekte iznosi oko 80.000 KM, a izvođač radova je Telefongradnja d.o.o. Sarajevo.

Ovaj angažman Općine Stari Grad Sarajevo pokazuje njihovu posvećenost očuvanju okoliša i sigurnosti građana kroz poboljšanje infrastrukture i vodnog uređenja.

Starog Grada i Sarajeva. Ovaj objekat bit će smješten na I i II spratu stambeno-poslovne zgrade u ulici Zelenih beretki broj 14. Općina Stari Grad Sarajevo i Ministarstvo kulture i sporta Kantona Sarajevo izdvojili su po 300.000 KM za prvu fazu radova.

## OŠ „Edhem Mulabdić“

Trenutno su u toku radovi na projektu “Energetska efikasnost” u Osnovnoj školi “Edhem Mulabdić”, koji se realizuje u partnerstvu Općine Stari Grad Sarajevo i Ministarstva za odgoj i obrazovanje Kantona Sarajevo. Načelnik Općine Irfan Čengić i ministrica Naida Hota-Muminović nedavno su obišli radove na školi. U prvoj fazi projekta, u školi je ugrađeno oko 90 novih prozora, izvršeno je utopljanje učionica i prostorija, te je obavljena sanacija podrumskih prostorija objekta, uz postavljanje novih klupica na svim ugrađenim prozorima. Vrijednost

projekta iznosi oko 530.000 KM, koje je Ministarstvo za odgoj i obrazovanje KS izdvojilo, dok je Općina provela tender-sku dokumentaciju. U skorije vrijeme je na krovu škole već izvršena sanacija svjetlarnika, a slijedi rekonstrukcija kupole, čija cijena radova iznosi oko 45.000 KM. Također, u toku je i tekuće održavanje fasade školskog objekta, što uključuje njenu sanaciju i farbanje, čija je vrijednost oko 128.000 KM.

## Za Beglukom

U toku su radovi na sanaciji dijela ulice Za Beglukom – plato Širokača, čija vrijednost iznosi oko 260.000 KM, a površina radova obuhvata oko 1.450 m<sup>2</sup>. Ovi radovi obuhvataju niz aktivnosti usmjerenih ka osiguranju stabilnosti i dugotrajnosti ceste, kao i njenom optimalnom funkcionisanju u svim vremenskim uslovima. Među tim aktivnostima su uklanjanje dijelova asfalta i zamjena granitne kocke, čišćenje šahtova i slivnika, te izrada poprečne drenaže. Posebno



*Sa obilaska radova*

se ističe ugradnja pojasa kocke širine 2 metra na svakih 20 metara dužine ulice, što je pažljivo odabrani pristup uzimajući u obzir terenske karakteristike i potrebu za održavanjem funkcionalnosti ulice tokom cijele godine, posebno u zimskim uslovima.

## Počinje rekonstrukcija Vrtića “Agan Bostandžić” na Širokači

Općina Stari Grad, Gradska uprava Grada Sarajeva i Vlada Kantona Sarajevo zajedničkim snagama će realizovati rekonstrukciju Vrtića “Agan Bostandžić” na Širokači u ulici Za beglukom koji je uništen u potpunosti za vrijeme agresije.

Dugogodišnja je ovo želja stanovnika Starog Grada, ali i državnih institucija. Rekonstrukcija se najavljivala godinama, ali bez konkretne aktivnosti na terenu. U decembru 2023. godine u realizaciju projekta uključio se i Općinski načelnik, Irfan Čengić, objavivši da je izdao odobrenje za građenje.

Grad Sarajevo nositelj je projekta rekonstrukcije, a u razrušenom vrtiću gradonačelnica Benjamina Karić, ministrica Naida Hota-Muminović i načelnik Irfan Čengić sa izvođačima radova i direktoricom JU Djeca Sarajeva Ildom Bekrić su svečano potpisali ugovor o izvođenju radova u vrijednosti od skoro 2 miliona KM.

“Dok su se drugi samo slikali i davali lažna obećanja bez ikakvog utemeljenja, mi počinjemo radove na objektu koji je potpuno uništen u ratu. Do dolaska



*Ispunjenje dugogodišnje želje*

ove vlasti, na lijevoj obali Miljacke u Starom Gradu nije postojao niti jedan obnovljen javni vrtić. Ovo je drugi vrtić nakon otvaranja vrtića “Bulbuli” na Bistriku 2021. godine, sa ukupnim ulaganjima od oko 3 miliona KM”, naveo je načelnik Čengić, te naglasio da su ove i slične aktivnosti ukinule beskrajnne liste čekanja za mjesta u vrtićima.



*Projekat vrijedan oko dva miliona KM*

## Projekti

# Obnova glavne gradske saobraćajnice od Skenderije do Vječne vatre

Uskoro počinje izuzetno važan projekat za Općinu Stari Grad Sarajevo - obnova glavne gradske saobraćajnice koja se proteže od Skenderije do Vječne vatre. Sporazum potpisan između Direkcije za puteve KS i izabranog izvođača kompanije Strabag označava početak revitalizacije ove vitalne saobraćajne arterije, koja će obuhvatiti obnovu saobraćajnice i trotoara duž obje strane, prostirući se na oko 2.800 metara.

Načelnik Općine Stari Grad Sarajevo, Irfan Čengić, istakao je značaj ovog projekta za lokalnu zajednicu. "Hvala ministru saobraćaja Kantona Sarajevo, Adnanu Šteti, na ovom izuzetno važnom projektu za Općinu Stari Grad Sarajevo. Ovom obnovom dobit ćemo potpuno novi izgled ceste i trotoara u ključnom dijelu grada, što će biti od koristi za turizam i naše građane".

Pored obnove same saobraćajnice i trotoara, u planu je i unapređenje infrastrukture, uključujući ugradnju novih ivičnjaka, poboljšanje sistema odvodnje, postavljanje nove vertikalne i horizontalne saobraćajne signalizacije te zamjena gumene izolacije tramvajskih šina.



*Izuzetno važan projekat za Općinu Stari Grad Sarajevo*

## Projekat vrijedan oko 6.4 miliona KM

Projekat vrijedan oko 6.4 miliona KM fokusira se na revitalizaciju saobraćajne mreže od ključnog značaja za lokalnu povezanost. S obzirom na prosječni dnevni promet od 34.700 vozila, jasno je da je održavanje optimalnog protoka saobraćaja od izuzetne važnosti. Zbog toga se intenzivno radi na organizaciji saobraćaja kako bi se osiguralo da sve funkcioniše efikasno. Posljednji put je ova saobraćajnica obnovljena 2006. godine, i trenutno je u lošem stanju. Stoga je obnova neophodna kako bi se osigurala sigurnost i funkcionalnost ove ključne infrastrukture.

# Općina planira izgradnju solarnih elektrana na krovovima osnovnih škola

Općina Stari Grad Sarajevo kreće u implementaciju plana izgradnje solarnih elektrana na krovovima osnovnih škola kako bi povećala udio korištenja obnovljivih izvora energije na svom području. Planira se izgradnja solarnih elektrana na krovovima objekata osnovnih škola JU O.Š. "Mula Mustafa Bašeskija" - Područna škola "Sedrenik" i JU OŠ "Vrhbosna".

Jedan od ključnih elemenata projekta je planiranje korištenja proizvedene energije isključivo za potrebe škola. Time će se ne samo smanjiti njihova ovisnost o tradicionalnim izvorima energije već će se i znatno smanjiti ekološki otisak. Finansijska sredstva koja će biti uštedena putem ove inicijative bit će preusmjerena na druge aktivnosti koje



*Solarni paneli na osnovnim školama*

su od vitalnog značaja za unapređenje odgojno-obrazovnog procesa učenika.

Trenutno, projekat se nalazi u fazi izrade projektno-tehničke dokumentacije, nakon čega će biti pokrenuta procedura odabira najpovoljnijeg izvođača radova.

Očekuje se da će ova inicijativa imati značajan uticaj ne samo na energetske efikasnost lokalnih škola, već i na podizanje svijesti o važnosti korištenja obnovljivih izvora energije u široj zajednici.



# Završeni projekti u Općini Stari Grad Sarajevo

**Završeni infrastrukturni projekti u Općini Star Grad ● Sanacije ulica unapređuju kvalitet života i sigurnost u saobraćaju u Starom Gradu**

Općina Stari Grad Sarajevo s ponosom predstavlja uspješan završetak nekoliko ključnih projekata unapređenja infrastrukture.

Kroz ovaj napor, lokalna zajednica je ostvarila značajan napredak u poboljšanju komunalnih usluga i životnih uslova svojih stanovnika. Ovi projekti predstavljaju konkretne korake prema ostvarenju cilja stvaranja sigurne, funkcionalne i udobne urbane sredine za sve građane Starog Grada.

## Niže banje i Dženetića čikma

Završen je projekat sanacije ulica Niže banje i Dženetića čikma. U sklopu sanacije provedeni su radovi poput uklanjanja oštećenog asfalta, zamjene ivičnjaka te izrade drenaže. Također, podignuto je i nivelisano 10 postojećih šahtova radi sigurnosti u saobraćaju. Ovi radovi su doprinijeli poboljšanju infrastrukture Starog Grada, pružajući građanima bolje životne uslove. Projekat je uspješno izveden uz angažman firme Mušibegović gradnja d.o.o. Visoko, s ukupnom vrijednošću radova od oko 175.000 KM.



*Niže banje*



*Cesta M5*

## Alajbegovića

Ulica Alajbegovića doživjela je značajnu promjenu zahvaljujući rekonstrukciji cjevovoda od strane firme KJKP 'Vodovod i kanalizacija'. Ovi radovi, vrijedni 4.7 miliona KM, obuhvatili su zamjenu oko 300 metara cjevovoda, što će značajno smanjiti gubitke vode iz sistema vodosnabdijevanja. Osim toga, Općinsko vijeće Stari Grad sarajevo je oslobodilo ovu firmu obaveze plaćanja naknade za prokopavanje saobraćajnica, olakšavajući realizaciju projekta i ubrzavajući koristi za građane Starog Grada.



*Dženetića čikma*

Zahvaljujući saradnji s Vladom Kantona Sarajevo, ovaj projekat će značajno smanjiti gubitke vode i osigurati bolje vodosnabdijevanje za građane Starog Grada.



*Alajbegovića*

korak u održavanju infrastrukture Općine Stari Grad Sarajevo. Projekat vrijedan pola miliona KM, realizovan je zahvaljujući saradnji JP Ceste Federacije Bosne i Hercegovine i Sarajevoputeva d.d. Sarajevo. Dodatni projekti na ovoj lokaciji podržani su od strane Ministarstva saobraćaja i Direkcije za ceste Kantona Sarajevo, te ukupna ulaganja svih nivoa vlasti u ovaj putni pravac iznose oko 2.3 miliona KM.

## Isevića sokak

Projekt rekonstrukcije vodovodne mreže, također vrijedan 4.7 miliona KM, donosi poboljšanja i u ulici Isevića sokak.

## Cesta M5

Sanacija puta na cesti M5, Azize Šaćirbegović-Korija, predstavlja važan

Intervju sa **Damirom Filipovićem, v.d. direktora JKP „OSG“ d.o.o. Sarajevo**

# Damir Filipović, v.d. direktor JKP „OSG“ d.o.o. Sarajevo: Cilj je građanima obezbijediti funkcionalno, kvalitetno i održivo komunalno preduzeće

**Veliki izazovi i odgovornosti ● Direktor Filipović ima želju i potrebno iskustvo za vrlo kompleksan i dugotrajan proces ● U planu saradnja sa svim akterima društva ● Građani Starog Grada zaslužuju kvalitetno javno komunalno preduzeće**

**O**dmah po preuzimanju funkcije načelnika Općine Stari Grad Sarajevo Irfan Čengiđ je najavio osnivanje javnog komunalnog preduzeća koje će se, između ostalog, baviti parking djelatnošću, ali i održavanjem infrastrukture, čišćenjem javnih površina, čišćenjem snijega, te brigom o okolišu. Na 34. sjednici Općinskog vijeća Stari Grad, održanoj 29. februara 2024. godine, osnovano je Javno komunalno preduzeće “Općine Stari Grad”, društvo sa ograničenom odgovornošću, sa skraćenim nazivom JKP „OSG“ d.o.o. Sarajevo, čiji je vlasnik Općina Stari Grad Sarajevo. Na Vanrednoj sjednici Općinskog vijeća Stari Grad polovinom aprila imenovan je novi v.d. direktora JKP „OSG“ d.o.o. Sarajevo Damir Filipović. Ovo je uslijedilo nakon što je već imenovani direktor ovog preduzeća Amer Mudželet odustao od prihvatanje ove funkcije. “Dragi prijatelji, želim ovim putem izraziti iskrenu zahvalnost svima koji su me podržali tokom mog imenovanja za v.d. direktora JKP OSG d.o.o. Sarajevo i time mi ukazali povjerenje. Vaša podrška iz Općinskog vijeća Općina Stari Grad je ključna u ovom procesu kako u prethodnom tako i u budućem periodu. Ipak ste vi oni koji su smogli snage te donijeli odluke koje će omogućiti da novo javno preduzeće raspolaže i upravlja parkinzima na području općine“, izjavio je Filipović nakon imenovanja. Inače, Damir Filipović široj javnosti u Kantonu Sarajevu je poznat po vršenju funkcije ministra prostornog uređenja, građenja i zaštite okoliša Kantona Sarajevo, a bio je i zastupnik u Skupštini Kantona Sarajevo.

**Kako ste doživjeli osnivanje Javnog komunalnog preduzeća Općine Stari Grad i koji su vaši prvobitni ciljevi i prioriteti kao direktora?**

Kako nisam od samog početka bio involviran u proces osnivanja JKP “OSG” d.o.o.



*Damir Filipović*

Sarajevo, ne mogu izraziti neku posebnu emociju, osim zadovoljstva da se jedan do sada neuređen javni segment stavlja u okvir funkcionalnog upravljanja, kao ključni korak ka unapređenju infrastrukture i pružanju boljih usluga građanima. Obzirom da uspostavljanje javnog preduzeća predstavlja kompleksan i dugotrajan proces neophodno je definisati viziju, misiju i same ciljeve.

Namjera mi je da prvenstveno unaprijedimo postojeću infrastrukturu, poboljšamo efikasnost kroz implementaciju nove tehnologije, što će uticati na proces rada, povećanje efikasnosti u pružanju usluge i upravljanju resursima. Glavni cilj nam je finansijska održivost kroz diversifikaciju prihoda, optimizaciju naplate parkinga, adekvatno planiranje investicija, što ne možemo ostvariti bez kvalitetnih ljudskih resursa, a što nam isto tako predstavlja cilj i izazov.

**Možete li nam detaljnije objasniti ulogu i odgovornosti JKP OSG d.o.o., posebno u kontekstu održavanja infrastrukture, čišćenja javnih površina, parkiranja i brige o okolišu?**

Preduzeće ima ključnu ulogu u upravljanju i gazdovanju javnim parkinzima i podzemnom garažom. To uključuje održavanje čistoće, redovno održavanje infrastrukture, upravljanje rezervacijama,

## Transparentni i zakonski procesi dodjele parkinga u Starom Gradu

Oblast saobraćaja u mirovanju u Općini Stari Grad dugi niz godina je bila izuzetno neuređena, a što je utvrdila i budžetska revizija za 2022. godinu. Utvrđeni su brojni propusti koji se odnose upravo na zaključene ugovore o korištenju pojedinih parkinga na području općine. V.d. direktora Damir Filipović obećava transparentno i zakonsko djelovanje. „Planiram osigurati efikasno upravljanje parkinzima u Starom Gradu kroz pažljivo planiranje i implementaciju novih sistema i procedura. Radit ćemo na uspostavljanju transparentnih procesa za dodjelu parkinga, redovno praćenje i održavanje parkirališta te saradnju s relevantnim institucijama kako bismo



osigurali da su ugovori i propisi u vezi s parkingom poštovani. Cjenovnik za sve usluge će biti javan i neće biti odstupanja od istog, niti će biti izuzetaka, kao što je slučaj bio ranije. Tako da neće biti prostora da za manipulaciju parking mjestima“, naglasio je Filipović.

## Neraskidiva veza sa Općinom Stari Grad

Na pitanje o saradnji sa Općinom, v.d. direktor Damir Filipović odgovara: "Veza sa Općinom je neraskidiva, obzirom da je ista jedini vlasnik kapitala preduzeća, te da u konačnici usmjerava i dobit preduzeća nakon okončane poslovne godine. Cilj nam je da najmanje jednom mjesečno sa općinskim organima imamo sastanke radi razmjene informacija i zajedničkog planiranja projekata i aktivnosti u cilju zadovoljavanja potreba građana u okviru nadležnosti preduzeća".



Direktor Filipović i načelnik Čengić

naplatu parkinga i pružanje podrške korisnicima. Osim toga, preduzeće se bavi i implementacijom mjera za unapređenje sigurnosti i efikasnosti korištenja parking prostora, kao i promovisanjem ekoloških inicijativa u okviru svojih aktivnosti. Međutim, trenutno ne možemo govoriti o ulozi preduzeća u smislu održavanja tj. čišćenju javnih površina i javne infrastrukture iz više razloga, prvenstveno iz razloga što nismo osposobljeni u smislu ljudstva i mehanizacije kako bi se mogli baviti navedenom djelatnošću. Postoji namjera da preduzeće u naredne četiri godine pored trenutnih povjerenih poslova preuzme i druge, pa i čišćenje javnih površina.

**Koji su izazovi koje očekujete u početnoj fazi rada preduzeća i kako planirate prevladati te izazove, a istovremeno građanima ponuditi efikasno rješavanje saobraćaja u mirovanju?**

Uspostavljanje rada preduzeća i uspostavljanje funkcionalnog obavljanja djelatnosti preduzeća su dva paralelna procesa sa kojim se susrećemo i niti jedan nije manje važan, te svaki predstavlja izazov za sebe. Preduzeće da bi funkcionisalo mora imati osnovne interne dokumente koje ipak neko treba kreirati, potom usvojiti, a tek onda postupati po njima. To iziskuje vrijeme, obzirom da preduzeće nema zaposlenih. Nakon navedenog procesa možemo ući u proces kapacitiranja preduzeća sa ljudskim resursima koje je neophodno za ostvarivanje prihoda iz djelatnosti koje će biti povjerene od strane osnivača.

**Kako ćete osigurati da preduzeće posluje u skladu s najvišim standardima transparentnosti, odgovornosti i efikasnosti?**

Postavljanje jasnih procedura i politika koje regulišu sve aspekte poslovanja preduzeća, uključujući upravljanje parkinzima, naplatu parkinga, održavanje infrastrukture i komunikaciju s korisnicima. Ove procedure bit će transparentno dostupne svim zaposlenicima i javnosti. Planiram redovno izvještavati javnost o aktivnostima i postignućima preduzeća. Nezaobilazna je i aktivna saradnja s lokalnim vlastima, regulatornim agencijama i nevladinim organizacijama.

**Koje strategije ili tehnologije planirate implementirati kako biste osigurali optimalno poslovanje preduzeća, te visok nivo**

**kvalitete usluga?**

Planiram implementirati moderne tehnologije i strategije kako bismo osigurali optimalno poslovanje preduzeća i visok nivo kvalitete usluga. To uključuje korištenje softverskih rješenja za praćenje i upravljanje infrastrukturom, implementaciju pametnih sistema za upravljanje parkiralištima i ulaganje u obuku osoblja o novim tehnologijama i metodama rada. Ovakav pristup znatno će smanjiti troškove u smislu plaća i naknada koji proizilaze iz radno pravnih odnosa. Namjera nam je uspostavljanje Centra za nadzor i upravljanje svim kapacitetima na principima smart tehnologije, što će zahtjevati manji broj ljudi koji će raditi na naplati. Također kao što sam ranije naveo diversifikacija usluga je jedna ključna strategija, što znači da ćemo pored parkinga tražiti svoj prihod i u drugim djelatnostima koje su nam određene osnivačkim dokumentima.



Efikasno upravljanje parkinzima u Starom Gradu

## Općinsko vijeće

## 32. sjednica

### Općinskog vijeća

Na 32. redovnoj sjednici Općinskog vijeća, ključne odluke su usvojene. Nacrt Budžeta Općine Stari Grad za 2024. godinu, vrijedan 30.974.570 KM, dobio je apsolutnu podršku vijećnika, predstavljajući povećanje od 10 miliona KM u odnosu na prethodnu godinu. Ovaj Nacrt je bio otvoren za javnu raspravu do 8. januara 2023. godine, pružajući priliku svim relevantnim subjektima i građanima da iznesu svoje prijedloge i primjedbe.

Načelnik Općine Stari Grad, Irfan Čengić, naglasio je važnost budžeta koji će omogućiti implementaciju brojnih kapitalnih projekata, uključujući asfaltiranje ulica i Strategiju razvoja općine za naredni period. Predsjedavajući Općinskog vijeća, Seid Škaljić, najavio je produktivnu saradnju sa Kantom Sarajevo i veći rebalans budžeta, obećavajući građanima korisne inicijative. U nastavku sjed-



Rukovodstvo Općinskog vijeća: Ljuhar, Škaljić i Šehović

nice, vijećnici su razmatrali dokumente iz različitih oblasti, ističući Prijedlog odluke o upravljanju objektom u ulici Čadordžina bb, s naglaskom na princip socijalnog stanovanja. Također su pokrenute inicijative poput izmjene iznosa za zakup javne površine i

provjere objekata u ruševnom stanju radi osiguranja sigurnosti građana. Zaključno, vijećnici su se upoznali s Informacijom o aktivnostima policijskih službenika za period januar-novembar 2023. godine, pružajući pregled bezbjednosne situacije u općini.

## 33. sjednica

### Općinskog vijeća

Općinsko vijeće Stari Grad Sarajevo je održalo 33. redovnu sjednicu, na kojoj su usvojeni dokumenti koji su obećani da će se realizovati u prvih 100 dana mandata načelnika Irfana Čengića. Ključne odluke donesene na ovoj sjednici obuhvatale su širok spektar tema s preko 40 tačaka dnevnog reda. Najvažniji dokumenti koji su usvojeni obuhvatali su Prijedlog Budžeta Općine Stari Grad za 2024. godinu u iznosu od 35.536.020 KM, kao i konačnu Strategiju razvoja Općine za period 2024-2027. Načelnik Čengić istakao je da je usvajanje ovih dokumenata od vitalnog značaja za smjer daljeg razvoja općine, naglašavajući da su oni rezultat obećanja datih tokom kampanje. Jedna od ključnih odluka bila je i usvajanje Pravilnika o unutrašnjoj organizaciji i sistematizaciji službi Općine, čime se organi uprave vraćaju u okvire zakona, kao što su preporučili Ustavni sud FBiH, Federalno ministarstvo pravde i Ured za reviziju institucija FBiH. Također, utvrđen je Nacrt novog Statuta Općine Stari Grad, koji



Sa sjednice Općinskog vijeća

je bio otvoren za javnu raspravu 60 dana. Pored toga, usvojeni su programi vezani za investicije, a prvi put su usvojeni i programi finansiranja neprofitnih organizacija u skladu s preporukama revizije. Iz oblasti imovinsko-pravnih odnosa, usvojeni su prijedlozi o privremenom smještaju stambeno ugroženih lica i sticanju prvog radnog iskustva u Općini.

Uz to, doneseni su zaključci o da-

vanju saglasnosti za različite inicijative poput promjene historijskog urbanog krajolika Sarajeva u nacionalni spomenik BiH, te regulisanju ulaska u pješačku zonu. Sve ove odluke predstavljaju korak naprijed ka efikasnijem i transparentnijem vođenju Općine Stari Grad Sarajevo, što je u skladu s obećanjima datim nakon pobjede na prijevremenim izborima.

## 34. sjednica

Općinskog vijeća



*Osnovano Javno komunalno preduzeće*

Općinsko vijeće Stari Grad Sarajevo je održalo svoju 34. redovnu sjednicu na kojoj su usvojene brojne važne tačke iz obimnog dnevnog reda. Jedna od ključnih odluka bila je osnivanje Javnog komunalnog preduzeća, koje će preuzeti upravljanje parkinzima u Starom Gradu. Također, usvojen je Nacrt odluke o privremenom korištenju javnih površina, s ciljem implementacije preporuka revizije i uvođenja javnih poziva. Općinski načelnik je pozvao sve zainteresovane strane da se aktivno uključe u javnu raspravu o ovom pitanju. U skladu sa preporukama revizije, donesene su odluke o utvrđivanju udruženja od posebnog značaja, transparentnom finansiranju neprofitnih organizacija i pokroviteljstvu načelnika. Osim toga, uređena je oblast plaćanja komisija i radnih grupa, kao i postupci vezani za poklone i reprezentaciju. Općinsko vijeće je također formalno dodijelilo objekat u ulici Čadordžina SOS Dječijim selima, koji će služiti kao dom za djecu bez roditelja koja studiraju.

## 35. sjednica

Općinskog vijeća



*Usvojene desetine tačaka*

Na 35. sjednici Općinskog vijeća Stari Grad Sarajevo, naglašena je kontinuirana saradnja između Vijeća i Načelnika, a usvojene su desetine ključnih tačaka koje implementiraju politike i obećanja. Evo pregleda najvažnijih odluka: Rebalans Budžeta Općine Stari Grad Sarajevo za 2024. godinu usvojen je kako bi se uključila prenesena sredstva, pružajući bolje finansijske perspektive; Imenovani su vršioci dužnosti predsjednika i članova Nadzornog odbora JKP "Općine Stari Grad" d.o.o. i Odbora za reviziju JKP "Općine Stari grad" d.o.o., osiguravajući stabilnost i efikasnost funkcionisanja preduzeća; Potpisivanje ugovora s Arhitektonskim, Mašinskim i Fakultetom za saobraćaj i komunikacije planira se radi jačanja saradnje i realizacije projekata predviđenih Strategijom razvoja Općine; Odluke o privremenom korištenju javnih površina, kao i plan korištenja javnih površina u 2024. godini, donesene su s ciljem suzbijanja zloupotreba koje su dovele do krivičnih postupaka; Povećan je grant boračkim udruženjima za 16%, pružajući veću podršku veteranima; Usvojene su odluke o kriterijima i postupku dodjele sredstava za projekte elektronskih medija, te visini naknada za različite namjene; Donesen je Pravilnik o utvrđivanju uslova i postupka za ostvarivanje prava na novčane podsticaje u poljoprivrednoj proizvodnji, podržavajući razvoj lokalne poljoprivrede itd.

## 36. sjednica

Općinskog vijeća

Općinsko vijeće Stari Grad Sarajevo održalo je 36. redovnu sjednicu koja je bila obilježena značajnim odlukama i usvajanjem ključnih tačaka dnevnog reda. Najistaknutija vijest sa sjednice jeste jednoglasno usvajanje modernog Statuta Općine Stari Grad Sarajevo, što predstavlja prvi takav slučaj u više od decenije. Ovaj novi Statut usklađen je sa svim važećim zakonima, čime su ispoštovane preporuke Ureda za reviziju institucija u Federaciji BiH.

Načelnik Irfan Čengić je također istakao ostvarenje jednog od obećanja iz



*Vijećnici Simonović i Deljković*

kampanje, smanjenjem cijena reklama za 30%. Osim toga, najavio je analizu efekata ovog poteza te moguće dodatno smanjenje cijena u budućnosti. Jedna od ključnih odluka donesena na sjednici odnosi se na uređenje fasada, gdje je usvojena Odluka koja regulira postavljanje različitih oznaka i uređaja na fasadama unutar Općine Stari Grad Sarajevo, uključujući i izradu murala. S obzirom na potrebu za više igrališta na području općine, usvojen je Nacrt odluke o uslovima i postupku prihvatanja ulaganja pravnih lica u igrališta.

Intervju sa prof.dr. Đevadom Šašićem

# Razgovor sa prof.dr. Đevadom Šašićem, autorom Strategije razvoja Općine Stari Grad Sarajevo za period 2024-2027

**Prof.dr. Šašić objavio 30 naučnih i stručnih radova iz više oblasti ● Dugogodišnje iskustvo rada sa lokalnim samoupravama ● Rad na strategiji trajao skoro godinu dana ● Odmah po usvajanju Strategije krenulo se sa konkretnim djelovanjem na terenu**



Općinsko vijeće Stari Grad Sarajevo na svojoj redovnoj 33. sjednici, održanoj 31. januara ove godine usvojilo je strateški dokument „Strategija razvoja Općine Stari Grad Sarajevo za period 2024 – 2027“. Kako je tada rekao Općinski načelnik Irfan Čengić, ovaj ključni dokument će odrediti smjer rada Općine Stari Grad pod njegovim rukovodstvom. To će se prvenstveno ogledati kroz značajna ulaganja u saobraćajnu infrastrukturu, obrazovanje, socijalnu zaštitu, čistoću, sportski i turistički razvoj sa ciljem unapređenje života građana na području općine.

Iz tog razloga smo razgovarali sa autorom ovog strateškog dokumenta,

prof.dr. Đevadom Šašićem, vanrednim profesorom na Fakultetu za upravu i Fakultetu političkih nauka Univerziteta u Sarajevu. Autor je dvije knjige: Menadžment u javnom sektoru i Principi projektnog menadžmenta. Objavio je 30 naučnih i stručnih radova iz područja upravljanja ljudskim resursima i upravljanja lokalnim ekonomskim razvojem. Ima bogato predavačko, konsultantsko i upravljačko iskustvo u domaćim i međunarodnim organizacijama. Radio je kao projektni koordinator i konsultant na nekoliko domaćih projekata iz oblasti reforme javne uprave i razvoja preduzetništva. Certificirani je trener Agencije za državnu službu Federacije BiH za realizaciju

stručnog usavršavanja u organima uprave u FBiH za rukovođeće državne službenike.

## ***Kako je došlo do saradnje za Općinom Stari Grad?***

Od 2020. godine aktivno sam sudjelovao na projektu savjetovanja, obuke i izrade strategija razvoja 14 općina u FBiH kao konsultant Saveza općina i gradova FBiH i Agencije za državnu službu FBiH, a jedna od općina bila je i Općina Stari Grad Sarajevo. U februaru 2023. godine predstavio sam vašem općinskom menadžmentu novi Zakon o razvojnom planiranju i prateće uredbe po kojima je obaveza JLS da planiraju strateški razvoj.

### **Koliko dugo je trajala izrada dokumenta „Strategija razvoja Općine Stari Grad Sarajevo za period 2024-2027“ i sa kim ste saradivali u izradi istog?**

Od polovine februara 2023. godine radilo se intenzivno na izradi situacione analize općine tj. prukupljanja podataka za posljednjih pet godina, te shodno tome kreirani su i strateški fokusi i ciljevi za period 2024-2027. Sam process trajao je od februara do decembra 2023. godine uz trajanje 60 dana javne rasprave. Zbog okolnosti koje su zadesile Općinu tj. organizacija i realizacija prijevremenih izbora za načelnika, proces je bio znatno usporen od septembra do novembra 2023. godine. Ipak na kraju, uz pomoć općinskog razvojnog tima, pomoćnika načelnika i svih uposlenih, strategija razvoja je uspješno finalizirana i jednoglasno usvojena od strane Općinskog vijeća Stari Grad krajem januara ove godine.

### **Koje su po Vama najvažnije poruke u strategiji, bitne za istinski razvoj ove lokalne samouprave?**

Strategija omogućuje prelaz na sistemsko vođenje razvoja sa donošenja odluka „od slučaja do slučaja“ i uvid u strateški pravac kada se donose operativne odluke. Ako strategija nema takvu ulogu, razvoj je prepušten inerciji. Ljudi odnosno intelektualni kapital su najvrijednija „imovina“ svake organizacije. Shodno tome smatram da je potrebno i dalje raditi na aktivnostima jačanja ljudskih kapaciteta općine i uspostavljanja mjerenja učinka i realizacije strategije i drugih planova. Kada su u pitanju projekti neophodna je podrška projektima iz oblasti komunalne infrastrukture i efikasna saradnja sa višim nivoima vlasti kao i sa međunarodnim partnerima. Ističem i jačanje poduzetništva a posebno kod mladih, razvoj e-uprave, izgradnja podzemne garaže, revitalizacija bazena i izgradnja sportsko-rekreativnog parka Bentbaša.



### **Kako vidite Općinu Stari Grad Sarajevo u 2028. godini?**

Općinu Stari Grad Sarajevo u 2028. godini vidim kao prosperitetnu sredinu za građane svih generacija, sa unaprijeđenom infrastrukturom koja svoje potencijale realizira u uslovima održivog razvoja i društvene

pravednosti, te sa rekordnim brojem tursitičkih posjetilaca, konkurentnijom privredom i većim brojem zaposlenih na području općine. Očekuje se da će implementacija strategije imati pozitivan utjecaj na sva tri sektora tj. na ekonomski, društveni i okolišni sektor shodno definisanim polaznim i očekivanim indikatorima.


## **Već prisutni pokazatelji konkretne implementacije Strategije**

Prof.dr. Šašić pohvalno ističe vrlo aktivno djelovanje općinske administracije, predvođene općinskim načelnikom Irfanom Čengićem, na konkretnom provođenju ciljeva Strategije. „Odmah po usvajanju Strategije od strane Općinskog vijeća Stari Grad pristupilo se izradi nekih od projekata koje smo planirali u dokumentu. Najviše su to projekti iz komunalne oblasti, formiranje javnog komunalnog preduzeća, podrška civilnoj zaštiti, projekat ‘Energetska efikasnost’ u OŠ ‘Edhem Mulabdić’, otvorenje turističkog-informativnog centra, te brojni projekti iz oblasti društvenog sektora, turizma, kulture, obrazovanja i slično. Mnogi projekti su u proceduri zbog provođenja postupka javnih nabavki. Tek je



započeo drugi kvartal godine, tako da se do kraja godine očekuje znatan dio novih infrastrukturnih projekata. Ističem projekte energetske efikasnosti, a to su sanacije fasada u užem starogradskom jezgru. Za svaku pohvalu je i početak potpune rekonstrukcije Vrtića ‘Agan Bostandžić’ na Širokači“, istakao je prof.dr. Đevad Šašić.

## Protokol i saradnja



# Diplomatske i protokolarne aktivnosti: Načelnik Čengić i predstavnici Općine Stari Grad u razgovoru sa brojnim visokim stranim i domaćim zvaničnicima

**Načelnika Čengića ugostio gradonačelnik Istanbula Ekrem Imamoğlu • Općina upriličila iftar za predstavnike diplomatskog kora u BiH • Prvo učešće na sajmu turizma • Općina Bar nova je pobratimska općina**

U posljednjem periodu, Općinski načelnik Irfan Čengić i predstavnici Općine Stari Grad susreli su se sa brojnim domaćim i stranim zvaničnicima. Osnovni cilj ovih susreta je ostvarivanje konkretne saradnje sa stranim i domaćim institucijama u cilju dobrobita građana i posjetitelja Starog Grada. Najviše se ističe aprilska posjeta delegacije Općine Stari Grad, predvođena Općinskim načelnikom Irfanom Čengićem Istanbulu, gdje je upriličen sastanak sa gradonačelnikom Istanbula Ekremom Imamoğluom.

## Načelnik Čengić u Istanbulu: Unapređenje saradnje

Krajem aprila delegacija Općine Stari Grad, predvođena Općinskim načelnikom Irfanom Čengićem boravila je u radnoj posjeti Istanbulu. Pored posjete pobratimskim i prijateljskim općinama Fatih Istanbul, Silivri Istanbul, Bayrampaşa Istanbul i Bağcılar Istanbul, delegaciju Općine Stari

Grad primio je gradonačelnik Grada Istanbula Ekrem Imamoğlu. Posjeta je upriličena nedugo nakon Lokalnih izbora u Turskoj, gdje je došlo do značajnih promjena.

„Tokom boravka u Istanbulu sastao sam se sa načelnikom pobratimske Općine Fatih Istanbul Ergünom Turanom, koji je član AK Partije, te sa delegacijom Općine Bağcılar Istanbul čiji je načelnik također član AK Partije. Razgovarao sam i sa novoimenovanim načelnikom pobratimske Općine Silivri Istanbul Borom Balcioğluom, članom CHP, načelnikom Općine Bayrampaşa Istanbul Hasanom Mutluom, također članom CHP. Gradonačelnik Grada Istanbula Ekrem



## Sastanak za predstavnicima Bošnjačke zajednice

U toku boravka u Istanbulu, održan je sastanak i sa Remzijom Albayrak, direktorom Vatrogasne službe Grada Istanbula, sa kojim je dogovorena saradnja za DVD Vratnik. Upriličen je i susret sa predstavnicima Bošnjačke zajednice u Istanbulu. "Prilikom svake međunarodne posjete nastojim posjetiti sunarodnjake. Ova zajednica je veoma utjecajna i ugledna u Turskoj i važno je koristiti taj faktor za dobrobit Bosne i Hercegovine", naveo je načelnik Čengić.



*Načelnik Čengić sa predstavnicima Bošnjačke zajednice*

Imamoğlu je član CHP. Izuzetno mi je drago zbog toga jer smatram da se institucionalne veze i veze između naših naroda moraju održavati, a ne veze na osnovu ličnih, stranačkih ili drugih simpatija", poručio je načelnik Irfan Čengić.

Prvi čovjek metropole Istanbula Ekrem Imamoğlu izrazio je veliko zadovoljstvo zbog posjete načelnika Općine Stari Grad Irfana Čengića. „Istanbul i Sarajevo gradovi su sa višestoljetnom vezom. Pobratimski smo gradovi od davne 1997. godine. Općina Stari Grad ima pobratimске veze sa čak tri istanbulske općine, hvala načelniku Čengiću na posjeti“, izjavio je gradonačelnik Istanbula Ekrem Imamoğlu.

## Delegacija Općine Stari Grad u posjeti ministrima u Vladi Republike Srbije i rukovodstvu partnerske Općine Stari Grad Beograd

Delegacija Općine Stari Grad, predvođena općinskim načelnikom Irfanom Čengićem, boravila je u Beogradu gdje je posjetila Ministarstvo turizma i omladine i Ministarstvo za ravnomjerni regionalni razvoj Republike Srbije. Prilika je iskorištena i za posjetu pobratimskoj Općini Stari Grad Beograd. Saradnja u



*Posjeta Općini Silivri*



*Načelnik Čengić i ministar Memić*



*Načelnik Čengić i ministar Đerlek*



*Rukovodstvo Općine u posjeti Općini Stari Grad Beograd*

## Protokol i saradnja

oblasti turizma je bila u fokusu sastanaka sa ministrima u Vladi Srbije Huseinom Memićem (Ministarstvo turizma i omladine) i Edinom Đerlekom (Ministarstvo za ravnomjerni regionalni razvoj) te rukovodstvom partnerske Općine Stari Grad Beograd. „U skladu sa našim ciljevima postavljenim u Strategiji 2024-2027, turizam predstavlja značajnu stratešku platformu, te su stoga razgovori sa partnerima iz Srbije bili od velike koristi. Po broju dolazaka i noćenja u KS, turisti iz Srbije su u top 5 zemalja“, kazao je načelnik Čengić.

## Dani Ujedinjenog Kraljevstva Velike Britanije i Sjeverne Irske u Starom Gradu

U sklopu projekta “Dani država u Starom Gradu”, Općina Stari Grad Sarajevo i Britanska ambasada u Bosni i Hercegovini su organizovale niz aktivnosti posvećenih Ujedinjenom Kraljevstvu Velike Britanije i Sjeverne Irske. Domaćini događanja bili su načelnik Općine Stari Grad Sarajevo, Irfan Čengić, i Ambasador Velike Britanije u BiH, Julian Reilly.

Obilježavanje je započelo gledanjem prijateljske utakmice između Bosne i Hercegovine i Engleske. Nakon toga prikazana je snimka predstave londonskog Nacionalnog kazališta “Dear England” u sali Općine Stari Grad s besplatnim ulazom za sve posjetitelje. Uoči trke Red Bull Showrun, organizovano je druženje s legendarnim vozačem Formule 1 Davidom Coulthardom u rezidenciji Britanske ambasade u Sarajevu. Vrhunac obilježavanja bio je koncert prestižnog Vojnog benda Ujedinjenog Kraljevstva ispred Katedrale Srca Isusova, uz prisutnost specijalnog izaslanika britanskog premijera za Zapadni Balkan, lorda Stuarta Peacha.

## Dani stranih država u Starom Gradu: Sastanci sa brojnim ambasadorima

Općinski načelnik Irfan Čengić i predsjedavajući Općinskog vijeća Seid

## Općina Stari Grad na 45. Sajmu turizma u Beogradu

Zahvaljujući prethodnoj posjeti načelnika Irfana Čengića Ministarstvu turizma i omladine Republike Srbije, Općina Stari Grad krajem februara po prvi put je uzela učešće na jednom sajmu turizma. Beogradski sajam turizma najznačajnija je turistička manifestacija u regionu. Ove godine na sajmu je bilo više od 400 učesnika iz preko 27 svjetskih zemalja. U skladu sa dokumentom „Strategija razvoja Općine Stari Grad Sarajevo za period 2024-2027“ turizam u Starom Gradu predstavlja



### Predsjedavajući Škaljić na sajmu turizma

značajnu ulogu. Na sajmu su, u saradnji sa Turističkom zajednicom KS, predstavljani turistički potencijali starogradske općine.



*Ambasador Velike Britanije u BiH, Julian Reilly i načelnik Irfan Čengić*



*Izložba El Prado*

Škaljić u posljednjem periodu održali su sastanke sa ambasadorima više prijateljskih zemalja. Cilj Općine je da sa ambasadama omogući prezentaciju država u Starom Gradu te sadržaj za građane i turiste kroz niz manifestacija. Sastanci su održani sa ambasadorima



*Dani Belgije u Starom Gradu*

i predstavnicima Bugarske, Austrije, Slovačke, Španije, Egipta, Albanije, Grčke, Saudijske Arabije, Japana, Francuske, te Slovenije i Belgije.

Sa ambasadom Slovenije krajem aprila uspješno je dogovoren i realiziran festivalski koncert “Slovenija u Sarajevu”,

## Susret sa gradonačelnikom Grada Tuzle



Lugavić i Čengić

Načelnik Općine Stari Grad Sarajevo Irfan Čengić nedavno je posjetio gradonačelnika Tuzle, Zijada Lugavića, u sklopu radne posjete koja je imala za cilj unapređenje saradnje. Tokom njihovog susreta, koji je protekao u atmosferi konstruktivnog dijaloga, razmijenjena su mišljenja i ideje s fokusom na zajedničke projekte i inicijative usmjerene za dobrobit građana. Jedan od ključnih aspekata njihovih razgovora bila je razmjena iskustava između Općine i Grada, s ciljem identificiranja najboljih praksi i mogućnosti za projekte. Obojica su iznijeli svoje vizije za buduću razvoj svojih zajednica te su istaknuli važnost saradnje u ostvarivanju tih ciljeva.



Načelnik Čengić i ministar Katica



Čengić, McGaha i Helez



U obilasku Sektora za građanska pitanja

koji je održan ispred Katedrale, okupivši preko 650 učesnika iz 35 različitih slovenačkih kulturnih udruženja. Također, sa Ambasadom Kraljevine Belgije organizovan je događaj „Dani Belgije u Starom Gradu“. Upriličen je koncert u Bošnjačkom institutu na kojem su se istakli talentovani učenici maestra Jose Van Dama na Kraljevskoj muzičkoj kapeli kraljice Elizabete u Belgiji: sopranistica Soumaya Hallak i bariton Erol Ramadanović, uz izvanrednu pratnju pianistkinje Zerine Šabotić.

## Dio MUP-a ponovo djeluje u zgradi Općine Stari Grad Sarajevo

Potpisivanjem ugovora o zakupu prostorija i zajedničkim obilaskom prostorija, ministar unutrašnjih poslova Kantona Sara-

jevo Admir Katica i načelnik Općine Stari Grad Irfan Čengić ozvaničili su ponovni početak rada Sektora za građanska stanja Stari Grad u prostorijama Općine Stari Grad. Zahvaljujući ovoj saradnji između MUP-a Kantona Sarajevo i Općine Stari Grad ostvarene su velike olakšice za građane koji će ubuduće imati objedinjenu uslugu u mnogo adekvatnijim i bolje uređenim prostorijama u zgradi Općine, u ulici Zelenih beretki br. 4.

Općinski načelnik Irfan Čengić i Općinsko vijeće Stari Grad donijeli su odluku kojom se MUP-u Kantona Sarajevo dodjeljuju u zakup, po minimalnim cijenama, prostorije ukupne površine cca 450m<sup>2</sup> gdje će ubuduće Sektor za građanska stanja Stari Grad građanima pružati sve usluge iz oblasti ličnih karata, vozačkih dozvola, registracije motornih vozila, prebivališta, boravišta i drugo. Ova saradnja je još značajnija imajući u vidu blizinu šalter sale Općine Stari Grad gdje građani mogu na jednom mjestu dobiti usluge Matičnog ureda, ovjere dokumenata i drugo.

## Sastanak sa komandanticom NATO Štaba i ministrom odbrane BiH

Načelnik Irfan Čengić održao je sastanak sa Pamelom McGaha, komandanticom NATO Štaba Sarajevo i Zukanom Helezom, ministrom odbrane Bosne i Hercegovine. Tema sastanka bila je projekat obnove vanjskog izgleda Doma Oružanih snaga BiH, kao i uređenja trga ispred doma. Komandantica je dala punu podršku ovom projektu koji treba i Oružanim snagama BiH, ali i građanima Sarajeva kako bi centar grada ljepše izgledao. Načelnik i komandatica razgovarali su i o bombaškom napadu na načelnika Čengića koji se desio 01.04.2024. u ranim jutarnjim satima.

## Protokol i saradnja

# Potpisan Sporazum o saradnji sa Općinom Bar

Početkom marta, Općinski načelnik Irfan Čengić i predsjednik Općine Bar Dušan Raičević potpisali su Sporazum o saradnji dvije lokalne samouprave. Ovim sporazumom Općina Stari Grad i Općina Bar obavezale su se da na osnovama istinskog međusobnog uvažavanja, trajno uspostavljaju različite oblike saradnje, razmjenu ideja o realizaciji projekata od zajedničkog interesa u oblastima privrede, kulture, obrazovanja, turizma, sporta, zaštite prirodnog i kulturnog naslijeđa. Zajedno sa delegacijom Starog Grada, Sporazum o bratimljenju gradova Sarajevo i Bar potpisala je i gradonačelnica Sarajeva Benjamina Karić.

Načelnik Irfan Čengić je preuzimanjem dužnosti podcrtao važnost toga da se ovakva vrsta saradnje i prijateljstva realizuje samo sa općinama koje su slične Starom Gradu. "Imamo historiju, imamo i budućnost, ali što je najvažnije imamo suživot, a to je upravo ono što će ove dvije općine povezivati. Kada je riječ o po-bratimskim gradovima, u mom mandatu će u fokusu biti gradovi koji imaju historijsko jezgro i tradiciju, jer takva bratimljenja imaju smisla. Bar je upravo takav", naglasio je prilikom potpisivanja načelnik Čengić.

Načelnik Čengić je istakao da je već dogovorena saradnja na polju turizma, jer obje naše općine imaju veliki broj turista, te da će promocija ponude Bara u Sarajevu i Sarajeva u Baru biti od obostrane koristi.



*Sporazum o saradnji dvije lokalne zajednice*

## Posjeta Islamskom kulturnom centru u Baru

U sklopu posjete i potpisivanja Sporazuma o saradnji sa Općinom Bar, upriličena je i posjeta Islamskom centru u Baru. Općinskog načelnika Irfana Čengića i predsjednika Općine Bar Dušana Raičevića ugostio je glavni imam u Baru ef. Muidin Milaimi. Načelnik Čengić se zahvalio na gostoprimstvu, te poručio da su prilikom ove posjete dogovoreni konkretni projekti i podrška za očuvanje kulturno-historijskog naslijeđa. Naglasio je i to da će u njima veliki doprinos dati Općina Stari Grad.



*Predsjednik Raičević i načelnik Čengić*



*Dogovorena saradnja u oblasti turizma*



Iftar za visoke zvanice

## Općina Stari Grad i Muftijstvo sarajevsko organizovalo iftar za diplomatski kor

Načelnik Općine Stari Grad Sarajevo, Irfan Čengić, i muftija sarajevski, prof. dr. Nedžad ef. Grabus organizovali su svečani iftar, u prostorijama Bošnjačkog instituta - Fondacija Adil Zulfikarpašić, za predstavnike diplomatskog kora u našoj zemlji.

“Cilj ovog iftara je približiti ljepote mjeseca ramazana diplomatama u našoj državi, kao i odati priznanje i zahvalnost u ime lokalne zajednice našim imamima i muftiji Grabusu. Velika je čast i bogatstvo za istim stolom iftariti sa osobama koje dolaze sa četiri različita kontinenta i iz preko 20 različitih kultura”, istakao je na iftaru načelnik Čengić.

Muftija Grabus se zahvalio zvanicama koje su došle, te naglasio značaj mjesta na kojem se iftar održava, jer je to nekad bio vakuf Gazi Husrev-bega, a danas je to značajna institucija, Bošnjački institut. Ramazan je mjesec milosti i Allahovog oprosta. “Želim da doživite ljepotu Ramazana u Sarajevu, zaista je to jedinstven

doživljaj”, poručio je muftija ef. Grabus.

Na iftaru je bilo skoro 30 ambasadora, između ostalih ambasador Sjedinjenih Američkih Država NJ.E. Michael Murphy, šef Delegacije Evropske unije u BiH NJ.E. Johann Sattler, ambasador Ujedinjenog Kraljevstva Velike Britanije i S.Irske NJ.E. Julian Reilly, ambasador Kraljevine Saudijske Arabije NJ.E. Osama Dakhel R. Al-Ahmadi, ambasador Republike Francuske NJ.E. François Delmas i drugi.



Čengić, Murphy i ef. Grabus

## Iftari sa Udruženjem Pomozi.ba i EUFOR Turskom vojnom misijom

Udruženje i humanitarna organizacija „Pomozi.ba“ pozvalo je načelnika Irfana Čengića i predsjedavajućeg Općinskog vijeća Sejda Škaljića na iftar u Restoranu dobre volje u ulici Mula Mustafe Bašeskije u Starom Gradu. U ovom restoranu obrok besplatno dobijaju građani u stanju socijalne potrebe. Restoran je počeo sa radom 2021. godine, a prostor u kojem se nalazi dodijelila je Općina Stari Grad. Na poziv EUFOR Turske vojne misije, načelnik Čengić i predsjedavajući Škaljić bili su gosti na iftaru koji je upriličen na otvorenom, na Trgu Prve brigade policije.



## Protokol i saradnja



*Zajedničkim snagama organizovan iftar*

## Općine Stari Grad, Bağcılar Istanbul i Grad Sarajevo upriličile iftar na Baščaršijskom trgu

U srcu Starog Grada na Baščaršijskom trgu posebnim iftarom za više stotina građana obilježena je 27. noć mjeseca Ramazana, noć Lejletul-kadra. Iftar je organizovala prijateljska Općina Bağcılar Istanbul uz podršku Općine Stari Grad i Gradske uprave Grada Sarajeva.

U svom obraćanju na Baščaršijskom trgu, Općinski načelnik Irfan Čengić zahvalio se Općini Bağcılar Istanbul na želji da građanima Sarajeva, ali i njegovim posjetiteljima upriliči besplatan iftar i to na 27. noć.

“Sa zadovoljstvom smo pružili podršku prijedlogu Općine Bağcılar Istanbul. Žao mi je što iftaru nije prisustvovao načelnik ove općine Abdullah Özdemir. Njegovi najbliži saradnici su bili u Općini Stari Grad gdje smo dogovorili nastavak i produbljenje saradnje sa ovom istanbulskom općinom“, poručio je načelnik Čengić, te dodao da Općina Stari Grad već ima potpisane sporazume o bratimljenju i saradnji sa čak tri općine iz Istanbula; Silivri, Ümraniye i Fatih. Na iftaru je bila i gradonačelnica Grada Sarajeva Benjamina Karić.



*Iftar ispred Baščaršijske džamije*

## Sa UNDP-om realizovati projekte energetske efikasnosti

Općinski načelnik Irfan Čengić održao je sastanak sa predstavnicima Sektora za energiju i okoliš Razvojnog programa Ujedinjenih nacija u BiH (UNDP). Sa UNDP-om se razgovaralo o zajedničkim projektima instalacije solarnih elektrana na javnim objektima u Starom Gradu, te projektima uvođenja moderne, energetski efikasne LED javne rasvjete.

## Saradnja na polju zdravstva: Konferencija „Zdrave zajednice u BiH“

U Općine Stari Grad održana je konferencija “Zdrave zajednice u Bosni i Hercegovini” Federalnog ministarstva zdravstva i Ministarstva zdravlja i socijalne zaštite Republike Srpske, uz podršku Vlade Švicarske, a u saradnji sa Institutom za populaciju i razvoj.

Općina Stari Grad odabrana je kao jedna od tri lokalne samouprave koje će biti uključene u prvu fazu ovog programa. Pomoćnik Federalnog ministra

zdravstva Goran Čerkez, izrazio je zadovoljstvo što je Općina Stari Grad dio ovog projekta. "Ova Općina ima niz aktivnosti, programa i projekata, koji doprinose javnom zdravlju. Imaju fantastičan program zdravog starenja koji traje dugi niz godina. Ovim projektom želimo jačati svijest ljudi i općina, o tome šta učiniti na lokalnom nivou da bi naše stanovništvo bilo zdravo", istakao je pomoćnik ministra Čerkez.

Pilot projekat će trajati četiri godine, dok je plan da kompletan projekat 'Zdrava zajednica u BiH' traje 12 godina. "Uzimajući obzir u činjenicu da je za zdravstvo u Starom Gradu, ali i u svim općinama u Sarajevu nadležan Kanton Sarajevo, mi se trudimo da kroz preventivne programe i druga djelovanja u zajednici poboljšavamo zdravstveno stanje stanovnika naše općine. Kroz ovakve projekte nam se



*Konferencija "Zdrave zajednice u BiH"*

pruža mogućnost da pružimo podršku drugim institucijama i nevladinim organizacijama kako bi podizali svijest o važnosti očuvanja zdravlja, ali i da

sami organizujemo brojne aktivnosti koje pomažu prevenciji i zaštiti zdravlja" naglasio je načelnik Općine Stari Grad Irfan Čengić.

## Posjetom vjerskim autoritetima obilježeni Uskrs, Bajram i Vaskrs

Općina Stari Grad ponosi se višestoljetnom tradicijom obilježavanja svih vjerskih praznika. Tako je bilo i ove godine, te su u starogradskim bogomoljama svečano obilježeni Uskrs, Bajram i Vaskrs.

### Uskrs

Pred Uskrs, Općinski načelnik Irfan Čengić posjetio je Franjevački samostan i Crkvu sv. Ante na Bistriku gdje ga je dočekaao gvardijan fra Stipan Radić. „Izuzetno mi je zadovoljstvo posjetiti ovaj čuveni katolički vjerski objekat u Starom Gradu. Općina Stari Grad ponosi se svojom raznolikošću, pogotovo kada nastupe veliki vjerski praznici“, poručio je načelnik Čengić.

Fra Stipan Radić, gvardijan Franjevačkog samostana i crkve sv. Ante na Bistriku zahvalio se načelniku Čengiću što Općina Stari Grad nastavlja sa ovom lijepom tradicijom. „Svake godine uoči Uskrsa, predstavnici naše lokalne samouprave nas posjete. Uskrs je praznik koji nas poziva da činimo djela ljubavi i dobrote, a to je upravo učinila naša Općina Stari Grad i načelnik Irfan Čengić. Hvala vam mnogo na tome“, bile su riječi gvardijana fra Radića.



*Posjeta Rijasetu IZ*



*Posjeta Franjevačkom samostanu*



*Posjeta Staroj pravoslavnoj crkvi*

### Ramazanski Bajram

Općinski načelnik Irfan Čengić i predsjedavajući Općinskog vijeća Seid Škaljić su sa vijećnicima Općinskog vijeća Stari Grad bili na tradicionalnom bajramskom čestitanju u Upravnoj zgradi Rijasetu Islamske zajednice, te su svim vjernicima uputili čestitku povodom Ramazanskog Bajrama. Delegaciju Općine Stari Grad dočekaao je reisul-ulema Islamske zajednice u Bosni i Hercegovini Husein ef. Kavazović.

### Vaskrs

Općinski načelnik Irfan Čengić, zajedno sa predsjedavajućim Seidom Škaljićem, posjetio je Staru pravoslavnu crkvu i starješinu protojereja Velimira Divljanovića. Povodom Vakršnjih praznika, zajedno sa članovima crkve, pridružili su se tradiciji ukrašavanja jaja.

“Pridružio sam se blagdanskim aktivnostima u Staroj pravoslavnoj crkvi na Baščašiji. Naše bogatstvo su Stara pravoslavna crkva i Saborna crkva i čast je biti načelnik u Starom Gradu i imati priliku biti dio običaja koji su vjekovima sačuvani u Sarajevu”, naglasio je načelnik Čengić.

## Protokol i saradnja



*Otvorenju prisustvovao veliki broj zvanica*

## Na bistričkoj stanici otvoren muzej "Valter brani Sarajevo"

Na bistričkoj stanici otvoren je muzej "Valter brani Sarajevo" posvećen kulturnom filmskom ostvarenju reditelja Hajrudina Šibe Krvavca. Otvorenju je, uz brojne delegacije, prisustvao načelnik Općine Stari Grad Irfan Čengić. Gradonačelnica Sarajeva Benjamina Karić istakla je da ovaj muzej simbolizira vrijednosti Sarajeva. Kao projekat Sarajevskog Filmskog centra, muzej je otvoren je 6. aprila 2019. godine u ulici Dženića čikma. Kako je naglasila gradonačelnica Karić u svom govoru, ideju da lokacija muzeja bude premještena u obnovljenu stanicu Bistrik, gdje su snimane neke od scena u filmu, dobila je od načelnika Čengića i ovom prilikom mu se za to zahvalila.

Brigu o muzeju preuzela je javna ustanova "Muzeji grada", u partnerstvu sa Sarajevo Film centrom, a partneri u činu otvaranja muzeja su Vlada Kantona Sarajevo i Turistička zajednica KS. Muzej je i svojevrsna posveta historijskoj ličnosti, Vladimiru Periću Valteru, pripadniku Pokreta otpora i antifašisti iz Drugog svjetskog rata.

## Delegacija Općine u Novom Pazaru

Novi Pazar i Sarajevo godinama održavaju izuzetno dobre prijateljske odnose, pa je delegacija Općine Stari Grad, na poziv gradonačelnika Nihata Biševca, boravila u posjeti Novom Pazaru povodom 563. rođendana ovog grada. Delegaciju su činili predsjedavajući Općinskog vijeća Seid Škaljić i vijećnik Muamer Mekić. Tokom susreta, razmatrane su mogućnosti unapređenja saradnje između ove dvije lokalne zajednice, posebno imajući u vidu veliki broj građana porijeklom iz Novog Pazara koji su trajno ili privremeno našli svoj dom u Starom Gradu.



## Općinu Stari Grad posjetio predsjednik pobratimske Općine Bar

Nedugo nakon potpisivanja Sporazuma o saradnji općina Stari Grad Sarajevo i Bar, Općinski načelnik Irfan Čengić susreo se u Sarajevu sa predsjednikom pobratimske Općine Bar Dušanom Raičevićem. Ovim susretom pokazali su da nedavno potpisani Sporazum o sarad-

ji nije samo slovo na papiru, jer je glavna tema bila uspostavljanje različitih oblika saradnje od zajedničkog interesa, što je jedna od najvažnijih stavki potpisanog sporazuma.

„Bar je jedno od najznačajnijih turističko-privrednih sjedišta na Jadranskom moru. Od predsjednika Raičevića smo čuli dosta zanimljivih primjera dobre prakse, a tiču se korištenja javne površine. Svakako ćemo to nastojati primjeniti i u našoj općini“, poručio je načelnik Čengić prilikom susreta sa predsjednikom Raičevićem.



## Načelnik Čengić boravio u posjeti Londonu: Velika Britanija nastavlja pružati podršku BiH

Načelnik Općine Stari Grad, Irfan Čengić, boravio je u radnoj posjeti Londonu, gdje je uspostavio važne kontakte i održao niz sastanaka sa zvaničnicima Velike Britanije. Tokom posjete, naglasak je stavljen na podršku Velike Britanije usvajanju Rezolucije o genocidu u Srebrenici, na političku situaciju u BiH, ali i saradnju sa lokalnim zajednicama u Londonu. Na ovu temu, načelnik Čengić razgovorao je u Domu lordova sa Lordom Nickom Bourneom i sa Waqar Azmijem, predsjednikom "Remembering Srebrenica".

Istakao je kako je sa zastupnikom u Parlamentu Velike Britanije Stephenom Doughtyem, koji je ujedno ministar u sjeni za Europu, Sjevernu Ameriku i prekomorske teritorije, razgovarao o političkoj situaciji u BiH, te o važnosti redovne razmjene informacija i pogleda na situaciju sa zastupnicima koji su zaduženi za naš region. Veoma je važno naglasiti da Velika Britanija nastavlja pružati podršku BiH te će ta politika biti nastavljena.

Organizovan je susret i sa vijećnikom u Skupštini Londona, Bassam Mahfouzom. Ovom prilikom, razgovarali su o pobjedi Laburista na nedavnim izborima u Londonu, za treći uzastopni mandat Sadiqa Khana, kao i o primjerima dobrih javnih politika koji se mogu odnositi i na našu lokalnu zajednicu. Imao je i susrete na kojima se razgovaralo o mogućnostima saradnje sa lokalnim zajednicama u Londonu. Posjeta je protekla uz pomoć Ambasade Bosne i Hercegovine u Londonu.

## Druženje s Davidom Coulthardom

Općina Stari Grad Sarajevo, u saradnji s Britanskom ambasadom u BiH, organizovala je niz aktivnosti povodom Dana Ujedinjenog Kraljevstva Velike Britanije



Vijećnik u skupštini Londona Bassam Mahfouz i načelnik Čengić



Izložen bolid F1 ispred Katedrale



Reilly, Coulthard i Čengić

i Sjeverne Irske u Starom Gradu, u okviru projekta "Dani država u Starom Gradu".

Uoči trke Red Bull Showrun, koja je održana u Sarajevu, upričeno je druženje s legendarnim vozačem Formule 1 Davi-



Predsjedavajući Škaljić i načelnik Čengić

dom Coulthardom u rezidenciji britanske ambasade. Domaćini ovog događaja bili su načelnik Općine Stari Grad Sarajevo Irfan Čengić i ambasador Velike Britanije u BiH Julian Reilly.

## Obilježavanja

# Općina Stari Grad u očuvanju kulture sjećanja i važnih datuma

**Obilježene brojne godišnjice iz perioda agresije ● Čuvanje sjećanja i na antifašističku borbu 1941-1945 ● Kanton Sarajevo, boračka i građanska udruženja organizatori obilježavanja**



*Delegacija Općine Stari Grad na Šehidskom mezarju Kovači*

Općina Stari Grad Sarajevo, predvođena općinskim načelnikom Irfanom Čengićem, dugi niz godina organizovano uzima učešće u obilježavanju značajnih događaja iz perioda agresije na Bosnu i Hercegovinu od 1992. do 1995. godine, ali i drugih značajnih historijskih datuma.

Delegacija Općine Stari Grad Sarajevo redovno, svake godine i bez ikakvih izuzetaka prisustvuje godišnjicama događaja iz perioda agresije, ali i Narodno-oslobodilačkog rata 1941-1945, koji su se desili na području Starog Grada. Posebno mjesto u protokol kalendaru zauzimaju državni praznici, 01. mart – Dan nezavisnosti Bosne i Hercegovine, i 25. novembar – Dan državnosti Bosne i Hercegovine.

## 01. mart – Dan nezavisnosti Bosne i Hercegovine

Delegacija Općine Stari Grad Sarajevo, predvođena načelnikom Irfanom Čengićem, posjetila je Šehidsko mezarje Kovači, ali i brojna druga spomen-obilježja u okviru obilježavanja Dana nezavisnosti BiH. Načelnik Čengić istakao je važnost domovine, te naglasio da su 1. mart, Dan nezavisnosti, i 25. novembar, Dan državnosti BiH, dva najbitnija datuma u historiji zemlje. Podsjetio je na iskušenja kroz koje je prolazio naš narod, ističući borbu protiv fašizma i borbu protiv agresije i odbrane grada.

"Zato je važno da imamo ovakve



*Odata počast na mezarju prvog predsjednika*

aktivnosti i da gradimo i čuvamo našu domovinu. Nikada nemojte poistovjetiti državu i vlast. Na vlast možemo biti ljuti i

kritizirati je, ali domovini uvijek trebamo biti lojalni", naglasio je načelnik Čengić, te dodao da trebamo cijeniti činjenicu da postoje hiljade naroda širom svijeta, dok samo 193 države imaju priznat status u Ujedinjenim narodima, naglašavajući važnost očuvanja suvereniteta vlastite zemlje.

Na referendumu održanom dana 01. marta 1992. godine građani Bosne i Hercegovine opredijelili su se za nezavisnost. Čak 64 posto građana se izjasnilo da želi živjeti u suverenoj i nezavisnoj Bosni i Hercegovini, državi ravnopravnih građana, naroda Bosne i Hercegovine – Muslimana, Srba, Hrvata i pripadnika drugih naroda koji u njoj žive. Referendum za nezavisnost Bosne i Hercegovine održan je na preporuku Arbitražne komisije međunarodne konferencije o Jugoslaviji 29. februara i 1. marta, a označavao je opredjeljenje građana ka budućnosti zemlje, ali ujedno je bio i uvod u krvavu agresiju nad Bosnom i Hercegovinom. Ipak, na referendum su izašli birači iz cijele države. Za nezavisnost Bosne i Hercegovine glasali su Srbi, Hrvati i Bošnjaci. Od tada se 1. mart smatra jednim od najznačajnijih datuma u modernoj historiji Bosne i Hercegovine.

## Obilježena 79. godišnjica oslobođenja Sarajeva od fašista

Udruženje antifašista i boraca Narodnooslobodilačkog rata Stari Grad prigodnim programom obilježilo je 79. godišnjicu od ulaska oslobodilačkih antifašističkih snaga 16. muslimanske brigade kroz Višegradsku kapiju i prolaska preko Vratnika do zgrade Vijećnice, te oslobođenja Sarajeva.

Općinski načelnik Irfan Čengić položio je cvijeće na spomen-obilježjima narodnom heroju Mustafi Dovađžiji, a zatim i vratničkim borcima Odbrambeno-oslobodilačkog rata 1992-1995. koja se nalaze u krugu Dobrovoljnog vatrogasnog društva „Vratnik“. Cvijeće je zatim položeno i ispod spomen ploče na Višegradsnoj kapiji. Upravo su na tom mjestu prije 79 godina ušle prve partizanske jedinice i počele oslobađanje grada, koje je okončano 06. aprila 1945. godine.

## Staza sjećanja od Trga djece Sarajeva do Baščaršije: Sarajevo obilježilo Dan početka opsade

U povodu 05. aprila, Dana početka opsade Sarajeva, duž rute od Trga djece Sarajeva do Baščaršije, postavljena je staza sjećanja koju čine cipele kao simbol koraka ubijene djece i građana opkoljenog Sarajeva te poginulih branitelja.



Staza sjećanja kao simbol koraka ubijene djece



Godišnjica oslobođenja Sarajeva



Općina podržala Memorijalnu šetnju



Načelnik Čengić položio cvijeće na spomen obilježje

Memorijalna šetnja organizovana je u okviru obilježavanja ovog dana s ciljem da se na dostojanstven način oda počast svim žrtvama.

Načelnik Općine Stari Grad Sarajevo, Irfan Čengić, prisustvovao je završnoj manifestaciji na Baščaršijskom trgu, gdje je upriličen program dječijih horova i projekcija petominutnog filma o opsadi. Općina Stari Grad se pridružila akciji Memorijalnog centra Sarajevo i Grada donacijom cipela koje su činile ovu stazu sjećanja. Zajedno se prisjećamo, učimo iz prošlosti i gradimo zajedničku budućnost, osnaženi našom kolektivnom memorijom i posvećenošću istini i pravdi.

## Obilježavanja

# Načelnik Čengić na obilježavanju 06. aprila, Dana grada Sarajeva

Sarajevo je proslavilo svoj najznačajniji datum, 06. april, Dan grada Sarajeva. Delegacija Općine Stari Grad, predvođena općinskim načelnikom Irfanom Čengićem posjetila je spomen-obilježja i učestvovala u obilježavanju ovog značajnog datuma.

Prvo je položeno cvijeće na spomen obilježje ispred Vječne vatre, zatim Šehidsko mezarje Kovači, mezar prvog predsjednika RBiH Alije Izetbegovića, te na kraju Spomenik ubijenoj djeci Sarajeva 1992-1995. Programu obilježavanja prisustvovali su predstavnici institucija svih nivoa vlasti u Bosni i Hercegovini, te građanska i boračka udruženja. Uz načelnika Čengića, u delegaciji su bili i općinski vijećnici Sabahudin Arapović i Muamer Mekić, pomoćnica načelnika za inspeksijske poslove Asja Hadžić, te po ovlaštenju pomoćnica načelnika za boračko-invalidsku zaštitu i socijalna pitanja Dalila Mahmuljin.

Dana 06.04.1945. godine glavni grad Bosne i Hercegovine oslobođen je od fašističke okupacije. Historija se ponovila na isti datum 47 godina poslije. Tada su nove fašističke snage napale Sarajevo s okolnih brda. Uslijedilo je sistematsko uništavanje grada i višegodišnja opsada koja je trajala 1.425 dana i jedna je od najdužih u historiji modernog ratovanja, tokom kojeg je život izgubilo 10.514 ljudi, među kojima 1.601 dijete. Sarajevo se odbranilo, a država Bosna i Hercegovina je opstala.



*Spomen obilježje ispred Vječne vatre*



*Šehidsko mezarje Kovači*

## Dodijeljene šestoaprilske nagrade

Povodom obilježavanja Dana grada Sarajeva, u Gradskoj vijećnici dodijeljena su šestoaprilske i brojne druge nagrade, a svečanosti je prisustvovao načelnik Irfan Čengić. Navrijedniju pojedinačnu Šestoaprilsku nagradu dobila je akademkinja Branislava Peruničić, dok je kolektivnu nagradu dobilo Udruženje Renesansa. Nagradu "Graham Bamford", nazvanu po Britancu koji se spalio u Londonu 1993. godine zbog nedovoljnog angažmana međunarodne zajednice u BiH, a koja se dodjeljuje za izuzetnu hrabrost, solidarnost, humanist i altruizam, dobila je civilna aktivistkinja Senida Karović.



## Sjećanje na ubijene civile Dževada Resića i Senada Šećerovića



Načelnik Irfan Čengić odao je počast i položio cvijeće na spomen obilježje u ulici Hamdije Kreševljakovića, posvećeno civilnim žrtvama rata Dževadu Resiću i Senadu Šećeroviću. Dževad Resić (1961.) i Senad Šećerović (1956.) izgubili su živote u civilnom automobilu koji se kretao iz pravca Bistrika, 26. aprila 1992. godine, kada je na njih pucano iz tadašnje kasarne II armijske oblasti JNA.

## Obilježen Dan šehida na Kovačima: Sjećanje na hrabre heroje

Drugi dan Ramazanskog bajrama obilježava se kao Dan šehida, dan trajnog sjećanja na hrabre borce koji su dali živote braneći Bosnu i Hercegovinu. Tim povodom, na Šehidskom mezarju Kovači položeno je cvijeće na centralnom spomen-obilježju i na mezaru prvog predsjednika Predsjedništva RBiH Alije Izetbegovića. Na obilježavanju je prisustvovala i delegacija Općine Stari Grad, predvođena načelnikom Irfanom Čengićem. Pored načelnika Čengića, delegaciju Općine Stari Grad Sarajevo činio je i predsjedavajući Općinskog vijeća Stari Grad Sarajevo Seid Škaljić, vijećnici Salih Išerić, Vedad Šahović, pomoćnica načelnika za opću upravu Sadžida Brkanić, te po ovlaštenju pomoćnica načelnika za boračko – invalidsku zaštitu i socijalna pitanja, Dalila Mahmudjin.

Prilikom okupljanja poručeno je da se nikada ne smiju zaboraviti šehidi i poginuli



*Obilježen Dan šehida na Kovačima*



*Odata počast šehidima i poginulim borcima*

borci koji su dali svoje živote za odbranu BiH, te da je obaveza svih preživjelih da se sjećaju najboljih bosanskih sinova jer se cijena slobode koju danas imamo skupo plaćena. Odlukom Rijaseta Islamske zajednice od 23. januara, 1995. godine, u BiH je drugi dan Ramazanskog bajrama proglašen Danom šehida, kao dan sjećanja na sve one koji su dali živote braneći porodicu, čast, domovinu i vjeru od 1992. do 1995. godine. Taj dan se obilježava obilaskom šehidskih mezarja, posjetama šehidskim porodicama, učenjem hatme za sve šehide i podsjećanjem na njihovu žrtvu.

## Na Šehidskom mezarju Kovači obilježena 32. godišnjica formiranja Armije Republike BiH

U prisustvu brojnih delegacija i građana, na Šehidskom mezarju Kovači, svečano je obilježena 32. godišnjica formiranja Armije Republike Bosne i Hercegovine i 19. godišnjice 2. pješadijskog (rendžerskog) puka Oružanih snaga Bosne i Hercegovine. Polaganjem cvijeća i odivanjem počasti šehidima i poginulim borcima, prisutni su se prisjetili hrabrosti i žrtava koje su pripadnici Armije RBiH podnijeli u odbrani integriteta zemlje tokom rata.



*Mezar prvog predsjednika Alije Izetbegovića*

Predsjedavajući i dopredsjedavajući Općinskog vijeća Stari Grad Seid Škaljić i Damir Saračević, općinski vijećnici Salih Išerić, Muamer Mekić, te pomoćnici općinskog načelnika Sadržir Husanović i Sanin Hadžibajrić položili su vijenac na Šehidskom mezarju Kovači, kao i na mezar prvog predsjednika Predsjedništva RBiH Alije Izetbegovića, zajedno sa brojnim drugim delegacijama.

Armija Republike Bosne i Hercegovine je formirana 15. aprila 1992. godine, te se taj datum slavi kao Dan Armije RBiH. Tokom rata, Armija RBiH je okupila hrabre patriote koje su se hrabro stavile na prvu liniju odbrane zemlje, dijeleći viziju slobodne i nezavisne Bosne i Hercegovine. Tokom agresije na BiH, Armija RBiH je služila kao zvanična vojna snaga, preuzimajući ključnu ulogu u odbrani integriteta zemlje.

## Obilježavanja

# Odred Širokača: Sjećanje na hrabre i predane u obrani grada

Na spomen obilježju Širokača okupili su se članovi Udruženja boraca "Odred Širokača", bivši borci, porodice i prijatelji kako bi obilježili Dan osnivanja Odreda Širokača i kako bi odali počast svojim saborcima, šehidima iz ovog Odreda.

Obilježavanju ove značajne godišnjice prisustvovao je i načelnik Općine Stari Grad Irfan Čengić, predsjedavajući Općinskog vijeća Stari Grad Seid Škaljić, te vijećnici Općinskog vijeća Stari Grad Emir Bićo, Alija Begić, Husein Holjan i Merima Arnautović.

Odred Širokača, osnovan 1992. godine u Bosni i Hercegovini, bio je jedan od prvih Odreda u tom vremenu. Njegovi članovi su se hrabro suočavali sa izazovima na mnogim frontovima, istinski predstavljajući snagu i odlučnost. Njihova hrabrost i predanost nisu samo obilježili historiju Odreda Širokača, već su ostavili dubok trag u odbrani grada, postajući nezaobilazan simbol otpora i hrabrosti u najtežim vremenima.

## 09. maj: Dan Evrope, Dan pobjede nad fašizmom i Dan Zlatnih ljiljana

Delegacija Općine Stari Grad, predvođena načelnikom Irfanom Čengićem i predsjedavajućim Općinskog vijeća Seidom Škaljićem, obilježila je Dan Zlatnih ljiljana, Dan Evrope i Dan pobjede nad fašizmom.

U organizaciji Vlade Kantona Sarajevo, na Šehidskom mezarju Kovači obilježen je Dan Zlatnih ljiljana. Delegacije su zatim položile cvijeće kod Vječne vatre i spomenika 'Vraca' povodom Dana Evrope i Pobjede nad fašizmom. "Uvijek smo na pravoj strani historije. To trebamo slaviti i ponositi se time kada obilježavamo 9. maj - Dan Evrope, Dan pobjede nad fašizmom i Dan zlatnih ljiljana", istakao je Općinski načelnik Irfan Čengić. Programu su prisustvovali i brojni drugi predstavnici,



Sjećanje na šehide



Načelnik Čengić na obilježavanju



Odred Širokača osnovan 1992. godine

među kojima su bili i predstavnici Gradske uprave, Vlade Kantona Sarajevo, te antifašističkih udruženja.

## Sjećanje na heroja Starog Grada i Zelenih beretki Envera Ene Šakića

Dana 15.05.1992. godine u borbenoj akciji poginuo je jedan od najznačajnijih komandanata Zelenih beretki i heroj odbrane Sarajeva Enver Eno Šakić. Delegacija Općine Stari Grad, predstavnici Udruženja "Zelene beretke Općine Stari

Grad", ministar za boračka pitanja Kantona Sarajevo Omer Osmanović, rodbina, saborci i prijatelji odali su počast rahmetli Enveru Eni Šakiću.

Općinsku delegaciju predvodio je predsjedavajući Općinskog vijeća Stari Grad Seid Škaljić, a činili su je i općinski vijećnici Muamer Mekić i Sabahudin Arapović, te po ovlaštenju pomoćnik općinskog načelnika za finansije Senad Resić. Prije posjete Šakićevom mezarju na Šehidskom mezarju Kovači, delegacije su prvo proučile Fatihu i položile cvijeće na spomen ploči u ulici Bistrik, na kući porodice Baličevac. U toj kući je 1991. godine oformljena jedinica „PJAF Bosna 22“, kojom je komandovao Šakić.



Sjećanje na Envera Eno Šakića



Šehidsko mezarje Kovači

## Godišnjica ubistva šefa delegata Crvenog krsta u Starom Gradu

Općina Stari Grad je, kao i svih proteklih godina, odala počast šefu Međunarodnog komiteta Crvenog krsta u Sarajevu Fredericu Mauriceu, koji je stradao 1992. godine u ulici Višegradska kapija. U ime Općine, cvijeće je na spomen ploču položio Emir Ibrišimović, pomoćnik načelnika za imovinsko-pravne, geodetske poslove, katastar i stambene poslove i Sabahudin Arapović, općinski vijećnik. Tog 18. maja 1992. godine 39-godišnji Maurice je bio u pratnji konvoja lijekova za građane opkoljenog Sarajeva. Iako je konvoj jasno bio označen simbolom Crvenog krsta, otvorena je vatra usljed koje je tragično stradao.



Svi prisutni su se prisjetili lika i djela Zlatnog ljiljana Armije RBiH rahmetli Šakića i njegovih velikih vojničkih i organizacionih zasluga u prvim danima agresije. Istakla su se njegova učešća prilikom napada snajperista sa Holiday Inn-a na mirne demonstrante 05. aprila, akcija „Pretis“ 17. aprila, vojne akcije 02. i 03. maja 1992. godine.

## Obilježene 32 godine od postrojavanja pripadnika Prve brigade policije Stari Grad

Na Trgu oslobođenja Alija Izetbegović prigodnim programom obilježene su 32 godine od postrojavanja Prve brigade policije Stari Grad, na kojoj je učestvovala i delegacija Općine Stari Grad, predvođena općinskim načelnikom Irfanom Čengićem i predsjedavajućim Općinskog vijeća Stari Grad Seidom Škaljićem.

Ovaj događaj organizuje Udruženje „Prva brigada policije Stari Grad“ sa ciljem podsjećanja na 18. maj 1992. godine. Tog dana, na prostoru današnjeg Trga oslobođenja Alija Izetbegović, izvršena je svečana smotra 750 pripadnika ove brigade i to je bila prva smotra odbrambenih snaga države BiH. Oni su tog dana polaganjem zakletve odlučili svojim životima braniti Bosnu i Hercegovinu i Sarajevo. Nakon toga uslijedilo je masovno pristupanje građana Sarajeva u redove MUP-a i tadašnje Teritorijalne odbrane, što se pokazalo presudnim za odbranu glavnog grada. U toku odbrambeno-oslobodilačkog rata u redovima Prve brigade policije Stari Grad



*Načelnik Irfan Čengić: "Na nama je da njegujemo kulturu sjećanja"*

Sarajevo borilo se 1.230 boraca, a 44 pripadnika ove brigade dalo je svoje živote u odbrani domovine.

Događaju, čiji je glavni cilj sjećanje na šehide i poginule borce, su prisustvovali bivši pripadnici ove vojne formacije, kao i predstavnici svih nivoa vlasti u BiH, a među njima i član Predsjedništva BiH Željko Komšić. Nakon polaganja cvijeća na spomen obilježje, prisutnima se obratio načelnik Općine Stari Grad Irfan Čengić. „U kalendaru imamo brojna obilježavanja godišnjica iz perioda agresije na našu zemlju. Moram ipak istaći kako Udruženje 'Prva brigada policije Stari Grad' to radi na najbolji i najljepši način. Oni su primjer kako treba obilježavati značajne datume iz naše prošlosti. Iako nisam bio još rođen kada je izvršeno postrojavanje, moja i sve ostale mlađe generacije vam dugujemo veliku zahvalnost za sve što ste učinili u ta teška vremena. Jer da niste, ne bi bilo ni moje, a ni ostalih generacija. Na nama je da njegujemo kulturu sjećanja, nećemo



*Član Predsjedništva BiH Željko Komšić*

živjeti u prošlosti, ali nikada nećemo zaboraviti ko smo, šta smo i šta se ovdje tačno desilo. To je jedini način gradnje bolje budućnosti“, istakao je načelnik Čengić, koji je dobio i posebno priznanje organizatora, radi podrške koju je Općina Stari Grad pružila ovom događaju.

## Mjesne zajednice



# Načelnik Čengić sa saradnicima obišao mjesne zajednice u Starom Gradu

**Nastavak otvorene i direktne komunikacija sa građanima Starog Grada ● Zalaganja za što skorije rješavanje problema ● Predstavljani budući projekti i planovi**

Od polovine februara do početka marta ove godine, Općinski načelnik Irfan Čengić sa svojim najbližima saradnicima i predsjedavajućim Općinskog vijeća Stari Grad Seidom Škaljićem, posjetio je svih 16 mjesnih zajednica u Starom Gradu. Na održanim zborovima su predstavljene aktivnosti i budući projekti, te je najavljeno da će se nastojati djelovati u pravcu rješavanja problema građana Starog Grada.

## Prvo predstavljanje građanima u funkciji načelnika Općine Stari Grad Sarajevo

Načelnik Čengić kazao je građanima da je vrlo brzo po okončanju Prijevremenih izbora za načelnika Općine Stari

### Sanacija ceste Sedrenik-Barice-Čavljak



Prilikom Zbora građana mjesne zajednice Sedrenik najavljen je veliki projekat rekonstrukcije lokalne ceste Sedrenik – Barice – Čavljak. Ovaj projekt obuhvata dio ceste od raskrsnice Sedrenik do parkinga na Baricama, s dužinom dionice od 3.500 metara. Budžet za ovaj projekt iznosi tri miliona KM, a građani su naglasili da su tražili ovu cestu još 2018. godine.

Grad Sarajevo odlučio posjetiti sve mjesne zajednice. „Iako itekako dobro poznajem stanovnike naše općine, njihove potrebe i zahtjeve, obavljajući funkcije općinskog vijećnika i dopredsjedavajućeg Općinskog vijeća Stari Grad, sada sam ovdje pred vama kao novoimenovani načelnik Općine Stari Grad. Svjestan sam da postoje problemi i situacije koje Općina ne može sama riješiti, a često nije ni nadležna za određene problematike. Ipak u saradnji sa višim nivoima vlasti, posebno Vladom Kantona Sarajevo, ćemo se truditi poboljšati ukupnu situaciju“, poručio je načelnik Čengić građanima Starog Grada.

## Po prvi put na zborovima predstavnici KJKP „Rad“ i KJKP „Park“

Svi građani koji su se odazvali pohvalili su ovakav način komunikacije



i opredjeljenje općinskog načelnika i općinskih službi da izađu među građane i saslušaju njihove probleme.

Zahtjevi i pitanja građana evidentirani su i upisani uz njihove kontakt podatke kako bi im nadležne službe u što skorijem roku odgovorile.

S obzirom na iskustva iz prethodnih godina, veliki broj zahtjeva građana oduvijek se ticao komunalne čistoće, oblast nad kojom lokalna samouprava nema nadležnosti u Kantonu Sarajevu. Iz tog razloga zborovima građana po prvi put su prisustvovali predstavnici kantonalnih komunalnih preduzeća „Rad“ i „Park“. Oni su se tako na licu mjesta mogli informisati o stanju na terenu i zahtjevima stanovnika koji najbolje poznaju situaciju.

Veliki broj zahtjeva građana odnosio se i na asfaltiranje, sanaciju stepeništa i kaldrma, izgradnju potpornih zidova i drugo. Ovi zahtjevi

## Uklanjanje ruševnih objekata jedan od prioriteta Općine

Općinska inspekcija nastavlja s aktivnim nadzorom nad ruševnim objektima na području općine Stari Grad, kako bi se osigurala sigurnost građana. Poduzete su mjere na uklanjanju više ruševnih objekata na području općine koji je predstavljao prijetnju za život i zdravlje stanovništva. „U obilasku mjesnih zajednica od ljudi smo dobili mnogo zahtjeva da uklonimo veliki broj ruševnih objekata na području općine, a koji predstavljaju prijetnju za život i zdravlje stanovništva“, istakao je načelnik Općine

poslužili su da se izvrši obilazak lokacija, utvrdi njihova opravdanost i pristupi rješavanju.

Građani su istakli i dobro poznati problem nepropisnog parkiranja širom



### Sa jednog od rušenja

Irfan Čengić. Dodao je kako su poduzete mjere i da je uklonjeno 12 objekata u nekoliko mjeseci.

“Nastavit ćemo sa ovim aktivnostima, a Općinska inspekcija će nastaviti raditi. Građane molim da imaju razumijevanja, jer se stotine predmeta nakupilo. Objekti se nisu rušili godinama, te smo limitirani sa budžetom za ove aktivnosti”, naglasio je načelnik Čengić.

Starog Grada, te predložili postavljanje ograda na više lokacija, prijavili su znatan broj nelegalnih deponija širom Starog Grada, te se žalili na zimsko održavanje ulica u mahalama.

# Lokalni izbori u BiH zakazani za nedjelju, 06. oktobar 2024. godine

Dana 08.05.2024. godine, Centralna izborna komisija Bosne i Hercegovine je donijela Odluku o održavanju Lokalnih izbora 2024. godine, a koji će se održati dana 06.10.2024. godine. Predsjednica Općinske izborne komisije Stari Grad Nevzeta Mulalić potvrdila je da je OIK shodno ovoj odluci realizirao nekoliko aktivnosti. „Članovi OIK-a Stari Grad i ja kao predsjednica smo potpisali svečanu zakletvu. Raspisan je i Javni oglas za izbor kandidata za popunu rezervne liste kvalifikovanih osoba za imenovanje članova biračkih odbora/mobilnih timova i njihovih zamjenika. Analizirali smo i sve dodatne troškove, a koji se tiču rada biračkih odbora. Sredstva će se nastojati povećati rebelansom općinskog budžeta, u dogovoru sa menadžmentom Općine Stari Grad Sarajevo“ pojasnila je predsjednica OIK-a Stari Grad Nevzeta Mulalić.

Predsjednica Mulalić dodala je i da je Općina Stari Grad Sarajevo, Odlukom o djelokrugu primjene pilot projekta Centralne izborne komisije BiH za Lokalne izbore 2024. godine, uključena u Pilot projekat „Prva autentifikacija birača i transmisija rezultata“, a to znači da će se



*Predsjednica Općinske izborne komisije Nevzeta Mulalić*

na određenim Biračkim mjestima, koja će biti naknadno određena, provesti ovaj projekat.

CIK BiH, za Lokalne izbore 2024. godine, provodi pilot projekat sa ciljem testiranja izbornih tehnologija i simulacija njihove primjene na biračkim mjestima u Bosni i Hercegovini, radi provjere tehničkih mogućnosti provedbe određenih procedura sa ciljem jačanja ukupnog integriteta u izbornom procesu i dobijanja relevantnih pokazatelja potrebnih za buduću primjenu i evaluaciju ovih tehnologija na biračkim mjestima.

## Učešće na edukaciji

U organizaciji Centralne izborne komisije BiH održana je obavezna edukacija pod nazivom “Upoznavanje izbornih komisija sa podzakonskim aktima”. Edukaciji su prisustvovali predstavnici Općinske izborne komisije Stari Grad. Fokus ove edukacije je bio na upoznavanju članova općinskih/gradskih izbornih komisija sa izmjenama Izbornog zakona BiH, novinama u vezi sa imenovanjem predsjednika i članova biračkih odbora, izmjenama Pravilnika o provođenju izbora, načinom primopredaje i pakovanja izbornog materijala te uputama za određivanje lokacija biračkih mjesta.

## Podrška

# Ulaganje u mladost Starog Grada

**Stipendije za 405 učenika i studenata u iznosu od 615.000 KM; Visina stipendija od 150 KM za učenike i 200 KM za studente ● Učenici osnovnih škola u Starom Gradu imaju besplatan školski prevoz**

Općina Stari Grad Sarajevo za ovu školsku i akademsku godinu obezbijedila je stipendije za 405 učenika i studenata. Ova godina predstavlja rekordnu investiciju u obrazovanje putem stipendiranja, s iznosom od čak 615.000 KM izdvojenim iz budžeta Općine, što je najveći iznos ikad odvojen za ovu svrhu. Ovaj potez jasno pokazuje predanost lokalne uprave u poticanju mladih talenata i njihovog napretka. Visina stipendija od 150 KM za učenike i 200 KM za studente pruža značajnu podršku tokom devet mjeseci školske godine.

„Ovdje se ne radi o individualnom naporu Irfana Čengića već o kolektivnom doprinosu i zahvali građana Općine Stari Grad našim studentima i učenicima. Ti mladi ljudi su postigli izvanredne rezultate, uključujući i one iz boračkih porodica. Trenutno imamo najveći novčani iznos stipendija od početka njihove dodjele, kao i najveći broj korisnika, na što sam izuzetno ponosan. Nadam se da ćemo i ubuduće imati velik broj mladih koji zaslužuju općinske stipendije, nastavljajući time politiku podrške mladima. Želim da većina ovih talentiranih pojedinaca ostane u BiH i pronađe zaposlenje nakon što završe svoje studije“, riječi su načelnika Irfana Čengića. Općina Stari Grad Sarajevo jasno je najavila svoju namjeru nastavka ulaganja u obrazovanje mladih talenata.

## Sportske igre mladih u Starom Gradu

Plazma Sportske igre mladih svečano su otvorene na Trgu Prve brigade policije u Starom Gradu. Načelnik Općine Stari Grad, Irfan Čengić, u zajedničkom druženju sa mališanima, istakao je značaj ulaganja u sport i mlade kao strateški prioritet Općine.

Nakon srdačnih riječi podrške i ohrabrenja, načelnik Čengić je zajedno sa maskotom Sportskih igara, Viktorom, zapalio plamen, označivši zvanični početak ovog sportskog spektakla. "Ulaganje u sport i mlade je naš strateški prioritet", ponosno je istakao načelnik Čengić, naglašavajući posvećenost Općine u promociji zdravog života i podršci mladim talentima. Već prvog dana, mališani iz



*Za stipendije izdvojeno 615.000 KM*

## Besplatan školski prevoz učenicima Starog Grada

Učenici osnovnih škola u Starom Gradu imaju besplatan školski prevoz, a sve zahvaljujući uspješnoj saradnji Općine Stari Grad Sarajevo i Ministarstva saobraćaja Kantona Sarajevo.

Projekat, kojim se svake godine izdvaja oko 360.000 KM, osigurava besplatan prevoz od prvog dana školske godine. Kroz Sporazum o saradnji, ova inicijativa pruža siguran i redovan dolazak na nastavu za 300 učenika iz škola "Vrhbosna", "Saburina", "Mula Mustafa Bašeskija" i "Šejh Muhamed ef. Hadžijamaković", koji se suočavaju s nedostatkom redovnog gradskog prevoza i žive na većim udaljenostima od svojih obrazovnih ustanova.



*Svečano otvorene na Trgu Prve brigade policije*

osnovnih škola Starog Grada su pokazali svoje sportsko umijeće, nadmašujući očekivanja svojim entuzijazmom i vještinama.

Plazma Sportske igre mladih su postale neizostavan dio kalendara događaja u Starom Gradu, gradeći mostove među mladima i podstičući ih na aktivnost i timski duh. Zahvaljujući predanosti načelnika Čengića i Općine, ova manifestacija postaje sve veća i utiče na pozitivne promjene u životima mnogih mladih ljudi.



*Podrška mladim talentima*



*Načelnik Čengić sa maskotom zapalio plamen*



